

# ახალი მანათლებელთა

28 დეკემბერი 2017

ფასი 1 ლარი 70 თეთრი

№40 (794) გამომდის 1998 წლიდან

www.axaliganatleba.ge



## საახალწლოდ

დი ესეც ახალი წელიწადი და არ ვიცით რა მოგილოცოთ: წასვლა ძველისა, თუ მოსვლა ახლისა. ან ერთში რა ყრია, ან მეორეში, ვერ გამოგვიცვნიან. წასვლა ძველისა თავის-თავად ბევრი არაფერი სასიხარულოა. პირიქით, სანაღვლეელი უფროა. ჯერ იმიტომ, რომ კარგი იყო თუ ავი, მაინც შეჩვეული ჭირი იყო და შეჩვეული ჭირი ხომ ზოგჯერ ქართველისათვის შეუჩვეველ ლხინსა სჯობია. მეორე იმიტომ, რომ ძველი წელიწადი წავიდა და სასიცოცხლოდ მოთვლილ დღეთაგან თვითოეულს ჩვენგანს მოაკლდა მთელი სამას სამოცდახუთი დღე და სამას სამოცდა ხუთი დღით ახლო მიუყვებით იმ აუცილებელს სადგურს, საცა შესვლაა და გამოსვლა აღარა. ნუთუ ეს მისალოცველია და სასიხარულო... ხუმრობაა, მთელი სამასსამოცდახუთი თორმეტი-საათიანი დღე და მთელი სამასსამოცდახუთი თორმეტი საათიანივე ღამე... წავიდა და დაიღუპა ეს ამოდენა დღე და ღამე, ეს ამოდენა დრო და ჟამი იქ, საცა სიცოცხლე უამისოდაც წუთია. დროთა ბრუნვამ რომ ეს ამოდენა ღალა წაართვა ჩვენს სიცოცხლესა, სამაგიეროდ რა ნუგეში მოგვცა, რა გვათესინა, რა მოგვამკვივინა, რა დაგვამუნათა? რომ გვეთქმოდეს – ბევრი არაფერიო, ცოტა მაინც საგულვებელი გვექნებოდა. საქმე ის არის, რომ სულ არაფერი მოუცია, და ეს რა ნუგეშია. მიდიან დღენი, მიდიან წელნი და ჩვენ ისევ ისე პირდაღებულნი ვართ, ისევ ისე ხელცარიელნი, როგორც ვყოფილვართ, და ვიძახით: სად წავიდეთ, ვის შევჩვილოთ, ვის ვუთხრათ, ვინ განგვიღებს დახშულ კარებს ბედისას?

ბედის კარის გაღებას ვინ სჩივის. ეს ის ძეხვია ჩვენთვის, რომელსაც მშვიერი კატა ვერ შესწვდა და თავი იმით ინუგეშა, რომ პარასკევიაო. ჩვენთვის ისიც დიდი ბედნიერება იქნებოდა, რომ უბედურების კარის დახურვას და შიგნიდან ჩაკეტვას მაინც ვლირსებოდით. ეს რომ მაინც ეწყალობებინა ძველს წელიწადს, კიდევ ღმერთს მადლობას ვეტყოდით და არ დავინანებდით ამისთვის იმ ძვირფას საფასურის გაცემას, რომელსაც დღენი სიცოცხლისანი ჰქვიათ, და რომელიც მით უფრო ძნელი გასამეტებელია, რომ ჩვენდა დაუკითხავად მიდის და აღარ ბრუნდება უკან. სხვა ყველა გაცემული ისევ ხელახლად მოიხვეჭება და სიცოცხლის წარსული დღენი-კი აღარა. ვაი ფუჭად განვიღებს სამას სამოცდა ხუთს დღეს და ღამეს. ჩვენს სიცოცხლეს ეს ამოდენა ხანი მოაკლდა და ერთის ბეწვის ოდენაც-კი არა შეგვმატნია რა. უნდა ვტიროდეთ და არ გვიხაროდეს კი, რომ ესე უკემურად, ურგებად დღენი ჩვენნი დავლიეთ. აქ სინანულს უფრო მეტი ადგილი აქვს, ვიდრე სიხარულს, გლოვას და სამძიმარს, ვიდრე მხიარულებასა და მილოცვ-მოლოცვას.

სინანულიც კაი საქმეა, კაი საქონელია, თუ მართლა საგონებელში რაშიმე ჩავგავდო და ნამუსი და სინდისი თავისის უტყუარის სასწორით ხელში კარზე მოგვაყენა ჩვენდა განსაკითხავად. განკითხვა თავისის თავისა ბევრს მიზეზს დაგვანახვებდა ჩვენის უბედურებისას და ქარისაგან მოტანილს სიხარულს ძველის წასვლისას და ახლის მოსვლისას ქარსავე გაატანდა, მაგრამ სად არის. სინანულისა და გან-

კითხვისათვის აღარც გული გვაქვს გულის ადგილას და აღარც ჭკუა ჭკუის ადგილას და ვიძახით წარამარად „დრონი მეფობენო“, მაშინ, დრო მხოლოდ იგი ქვევრია, რომელიც მარტო იმას ამოიძახებს ხოლმე, რასაც თვითონ კაცი ჩასძახებს.

ღმერთმა ტკბილად დაგაბეროსო, ერთმანეთისათვის ვნატროლობით ხოლმე, როცა-კი ახალი წელიწადი კარს დაგვირაკუნებს. რა დიდად სანატრელი რამ არის ეს დაბერება. დაბერებიდან ერთი ფეხის გადადგმადაა სიკვდილამდე. და რაკი ამაზე მიდგება საქმე, მაშინ ყოველისფერი მწარეა. ან თვითონ სიბერე თავის-თავად მწარეზე უმწარესი არ არის განა? თუ ესეა, აბა ესლა თარგმნეთ, რას ნიშნავს ტკბილად დაბერება? აშკარაა, ტკბილად დამწარებას და ნუთუ ამაზე უკეთესი სანატრელი აღარა გაგვაჩნია-რა. ამაზე უკეთესი სანატრელი ველარა გვიპოვია-რა. ნატვრის უნარიც კი დაგვკარგვია, მოდი და წყალი ნუ წავიღებს ამისთანას. სხვა რა გზაა?

სხვა გზა ის არის, რომ ერთმანეთს ერთმანეთით გული გავუგულადოთ და ამისთვის ღონე ღონეს გადავაბათ, მხარი მხარს მივცეთ, ერთმანეთის სიყვარული ვამოციქულოთ და ამ წინდებულს ახალს წელიწადს იმას ვაქმნევენბო, რაც ჩვენ გვინდა და არა იმას, რაც მასა ჰსურს. ვიმხნეოთ ერთად-ერთის გულით, ერთის სულით, ერთმანეთის ნდობით. ვინც მხნეა, ის ძლიერია. მაშ „მხნე იყავ და განძლიერდი“ – აი ჩვენი საახალწლო მოლოცვა, ჩვენი საახალწლო ნატვრა.

ილია ჭავჭავაძე



# პროფესიონალიზმის გარეშე სისტემის განვითარება შეუძლებელი იქნება

მთავრობისთვის ნდობის გამოცხადების საკითხთან დაკავშირებით პარლამენტში მიმდინარე საკომიტეტო მოსმენაზე, განათლების და მეცნიერების მინისტრი მიხეილ ჩხენკელი ვრცელი სიტყვით წარდგა და სისტემაში დაგეგმილ ცვლილებებზე ისაუბრა. პირველ რიგში, ყურადღება გაამახვილა განათლების ყველა დონეზე საყოველთაო ხელმისაწვდომობის აუცილებლობაზე და განათლების სისტემის განვითარების უმთავრეს ამოცანად, განათლების ხარისხის ამაღლება, მისი საერთაშორისო სტანდარტებთან შესაბამისობაში მოყვანა და განათლების თითოეულ დონეზე ინკლუზიის უზრუნველყოფა დაასახელა: „ბუნებრივია, აღმზრდელების, მასწავლებლების, პროფესორების, განათლების სფეროში დასაქმებულთა სხვა ადამიანების პროფესიონალიზმის გარეშე, სისტემის განვითარება შეუძლებელი იქნება. სწორედ ამ მიზანს ემსახურება პედაგოგისა და მეცნიერის პრესტიჟის ამაღლებასკენ მიმართული ღონისძიებები, ხარისხის სტანდარტების განვითარება და ინტერნაციონალიზაცია. ხარისხიანი განათლების მიღების აუცილებელი პირობა განათლების უწყვეტობაა, ამიტომ, სკოლაშემდეგი განათლების განვითარებისთვის, ეროვნულ დონეზე, უნდა შეიქმნას საგანმანათლებლო და პროფესიული სტანდარტები. განათლებისა და მეცნიერების სამინისტრო, ამ სტანდარტების დანერგვის პროცესში, ხარისხის მონიტორინგის წამყვანი სტრუქტურა იქნება.“

ქალაქისა და სოფლის სკოლებს შორის, ზოგადი განათლების კუთხით არსებული პრობლემების დასაძლევად, განსაკუთრებული აქცენტი გაკეთდება სოფლის სკოლების საგანმანათლებლო ცენტრებად გარდაქმნაზე, რაც საბავშვო ბაღს, სკოლას, პროფესიულ საგანმანათლებლო პროგრამებს, ბიბლიოთეკას, სპორტულ და შემოქმედებით კლუბებს გააერთიანებს. ეთნიკური უმცირესობებით დასახლებულ რეგიონებში განსაკუთრებული ყურადღება სახელმწიფო ენის შესწავლას დაეთმობა და მოზარდებთან ერთად, საგანმანათლებლო აქტივობებში მონაწილეობა ზრდასრულ მოსახლეობასაც შეეძლება.

ძალადობისა და აგრესიის წინააღმდეგ ბრძოლაში სახელმწიფოსა და ოჯახის ურთიერთანამშრომლობაზე საუბრისას მიხეილ ჩხენკელმა კიდევ ერთხელ გაუსვა ხაზი იმას, რომ სკოლებში ბულინგთან და ყველა სახის ძალადობასთან ბრძოლა სამინისტროს ერთ-ერთ უმთავრეს პრიორიტეტად და ამ მიმართულებით, ფართომასშტაბიანი კამპანია უკვე დაწყებულია. „მნიშვნელოვანი ინვესტიციები ჩაიდება სასკოლო-საგანმანათლებლო და სპორტული ინფრასტრუქტურის განვითარებასა და სკოლების მშენებლობაში. ხარისხის ამაღლება საგანმანათლებლო დასწავლისა და განვითარებისთვის ხელსაყრელი, უსაფრთხო და შემოქმედებითი გარემოს ფორმირებას გულისხმობს. განათლების მინისტრად დანიშნვისთანავე, ერთ-ერთ პრიორიტეტად გამოვაცხადე სკოლებში ბულინგთან და ყველანაირ ძალადობასთან შეუირიგებელი ბრძოლა. დაეინყებო ბულინგისა და ძალადობის წინააღმდეგ ფართომასშტაბიანი კამპანია, დარგის სპეციალისტების და კვალიფიციური ფსიქოლოგების მონაწილეობით. ჩვენი ფსიქოლოგები აქტიურად მუშაობენ სკოლებში, სისტემაში ფსიქოლოგიური სერვისები კიდევ უფრო გაძლიერდება. ყველა მოსწავლისთვის ხელმისაწვდომი იქნება გამოცდილი და გულისხმიერ სპეციალისტის დახმარება. ჩვენი მიზანია არა მხოლოდ ძალადობის გამოვლენაზე რეაგირება, არამედ, პირველ რიგში, მისი პრევენცია. იმისთვის, რომ აღეკვეთოთ ძალადობა და ბულინგი, მონაწილეებს, მასწავლებლებს და მშობლებს უნდა შეუძლიათ სათანადო ცოდნა. დაგეგმილი საინფორმაციო კამპანიის ფარგლებში, მათ მიეწოდებათ ამომწურავი განმარტებები და რეკომენდაციები. ძალადობისა და აგრესიის წინააღმდეგ შეურიგებელ ბრძოლაში სახელმწიფო და ოჯახი გვერდში გვედგებიან უნდა იდგნენ. მოზარდებისთვის, სკოლაში თუ სკოლის მიღმა, კეთილგანწყობილი გარემოს შექმნაზე ყველამ ერთად უნდა ვიზრუნოთ.“

პრობლემის გადასაჭრელად აუცილებელია უწყვეტი დიალოგი თავად მოზარდებთან. უკვე დაიწყეთ მოსწავლეებთან შეხვედრების ციკლი „მოვუსმინოთ მოსწავლეებს“. გვჯერა, რომ მათი მონაწილეობა არანაკლებია პრობლემების უფრო კარგად დასაწახად და ძალადობისა და ბულინგის დასაძლევად.“

სასამთავრო სიხსლავი მასწავლებლებისთვის – 2018 წლიდან წამყვანი და მეტორი მასწავლებლების დანამატები გაიზარდება, რაც უდავოდ ამაღლებს პროფესიული განვითარების მოტივაციას. მინისტრი მიიჩნევს, რომ განათლების პროცესში უმთავრესი როლი პედაგოგს აკისრია. შესაბამისად, მათთვის კვალიფიკაციის ასამაღლებლად ყველა პირობა შეიქმნება და ორიენტებული იქნება არა მხოლოდ თეორიაზე, არამედ პრაქტიკული უნარ-ჩვევების განვითარებაზე. „მინიმუმამდე დავიყვანო ბიუროკრატიულ პროცედურებს, რომ მასწავლებლებმა დრო მთლიანად პროფესიულ განვითარებას დაუთმონ. ამავდროულად, უწყვეტ რეჟიმში და კომპლექსურად, განხორციელდება პედაგოგთა კვალიფიკაციის მონიტორინგი, დაიხვეწება შიდა და გარე შეფასების მექანიზმები, რომელთა მიზანია საუკეთესოთა გამოვლენა და სათანადო დაფასება.“

ბავშვებისა და მოზარდების სპორტით დაინტერესებაზე საუბრისას განათლების მინისტრმა კიდევ ერთხელ გაუსვა ხაზი სკოლებში ჯანსაღი ცხოვრების წესის დამკვიდრების მნიშვნელობას და აღნიშნა, რომ სამინისტრო ყველაფერს გააკეთებს იმისათვის, რომ ბავშვებმა და მოზარდებმა ენერჯია განათლებაში, შემოქმედებით აქტივობასა და სპორტში და-

ხარჯონ. „კულტურის მინისტრთან ერთად, ჯანსაღი ცხოვრების მხარდასაჭერად, უკვე გამოვაცხადეთ მასშტაბური კამპანიის ინიციატივა, რომელიც, 2018 წლის იანვრიდან, ყველა სკოლას მოიცავს. სპორტულ შეჯიბრებებში, სურვილისა და ინტერესების შესაბამისად, ყველა ასაკის მოსწავლეები ჩაერთვებიან.“

მნიშვნელოვანი ინვესტიციები ჩაიდება სასკოლო-საგანმანათლებლო და სპორტული ინფრასტრუქტურის განვითარებასა და სკოლების მშენებლობაში. ხარისხის ამაღლება საგანმანათლებლო დაწესებულებებში სწავლისა და განვითარებისთვის ხელსაყრელი, უსაფრთხო და შემოქმედებითი გარემოს ფორმირებას გულისხმობს.“

ითქვას ისიც, რომ, სასწავლო პროცესში, სასკოლო განათლების დონეზე, უმაღლესი რანგის პროფესიონალები, მეცნიერები და მკვლევრები ჩაერთვებიან. მოზარდებში მეცნიერებისადმი ინტერესის გასაღრმავებლად, კრიტიკული აზროვნების გასავითარებლად და სწავლის შემდეგი ეტაპებისთვის შესამზადებლად, გაძლიერდება სკოლასა და უნივერსიტეტებს შორის კავშირი: „პროექტ „ევრიკას“ ფარგლებში, სხვადასხვა დარგის ცნობილი მეცნიერები და პედაგოგები ონლაინ ვაკევილებს ჩაატარებენ. დისტანციურ სწავლებაზე წვდომა ექნება საქართველოს ყველა საჯარო და კერძო სკოლას. სწავლების ეს ციკლი, შესაბამისი საგნების პედაგოგებსაც მისცემს პროფესიული განვითარების საშუალებას.“

მიხეილ ჩხენკელმა ინკლუზიური განათლების აუცილებლობაზეც ისაუბრა, რაც მჭიდროდაა დაკავშირებული საზოგადოების განვითარების ინტერესებთან: „უკვე გადაიდგა მნიშვნელოვანი ნაბიჯები ზოგადი და პროფესიული განათლების საფეხურზე ინკლუზიური სწავლების განვითარებისთვის. თუმცა, კვლავ არაერთი გამოწვევის წინაშე ვდგავართ. მათზე საპასუხოდ, საკანონმდებლო დონეზე, მოვანერგებთ და განვავითარებთ სპეციალური მასწავლებლის პროფესიას, გავაძლიერებთ უნივერსიტეტებში სპეციალური განათლების მასწავლებლების მომზადებას. ასევე, გადავხედავთ დაფინანსების მოდელს და განვახორციელებთ აუცილებელ ინფრასტრუქტურულ ღონისძიებებს.“

რაც შეეხება უმაღლესი განათლების მაღალი ხარისხის უზრუნველყოფას, ამ მიმართულებით კონკრეტული ქმედითი ნაბიჯები გადაიდგება: „განხორციელდება უნივერსიტეტების არაგეგმიური შემომშენებელი და ავტორიზაციის სტანდარტების შეუსაბამობა, უმაღლესებისთვის, სტუდენტთა მიღების შეჩერების საბაზი გახდება.“

ამოქმედდება ევროპის საბჭოს უმაღლესი განათლების სტანდარტებთან თავსებადი მოდელი. მსოფლიო ბანკის მხარდაჭერით კი, შემუშავდება უმაღლესი განათლების დაფინანსების ახალი, გაცილებით ეფექტური მექანიზმი.

დიდი ყურადღება დაეთმობა დისტანციური სწავლების დახვეწას, რაც გულისხმობს როგორც უცხოელი პროფესორების რესურსის გამოყენებას, ასევე შესაძლებლობას საზღვარგარეთ ქართველმა პროფესორებმაც წაიკითხონ ონლაინ ლექციები.“

პროფესიულ განათლებაზე საუბრისას, მიხეილ ჩხენკელმა ყურადღება გაამახვილა თითოეული მოქალაქის კვალიფიკაციის ამაღლებაზე და ახალი პროფესიის დასაუფლებლად სათანადო პირობების შექმნაზე, ამასთანავე, პროფესიული განათლების კონკრეტული რეგიონის ეკონომიკურ საჭიროებაზე მორგებასა და დულაურ, სამუშაოზე დაფუძნებული სწავლების გაგრძელებაზე. ახლო მომავალში განვითარდება პროფესიული საგანმანათლებლო დაწესებულებების ინფრასტრუქტურა, მატერიალურ-ტექნიკური ბაზა და გაიზრდება გეოგრაფიული დაფარვა.“

„აღსანიშნავია, რომ ამერიკის შეერთებული შტატების და საქართველოს მთავრობებს შორის ხელმოწერილი ათასწლეულის გამოწვევის მეორე კომპაქტის ფარგლებში, უკვე იწერება შრომის ბაზრის მოთხოვნებისა და საერთაშორისო სტანდარტების შესაბამისი პროფესიული პროგრამები. ახალი საკანონმდებლო ინიციატივის საფუძველზე, დაიწყება ზოგადი და პროფესიული განათლების სფეროთა ინტეგრირების პროცესი, საბაზო სწავლების დონეზე – პროფესიული უნარების განმავითარებელი აქტივობები, ხოლო საჯარო სკოლებში – სრულფასოვანი პროფესიული განათლება მოზარდებს დასაქმების სფეროსთან დაახლოებაში დაეხმარება. განვითარდება პროფესიული და უმაღლესი განათლებას შორის კავშირები, დაინერგება წინმსწრები და არაფორმალური განათლების აღიარების მექანიზმები. მოზარდებს, რომლებსაც არ აქვთ ზოგადი განათლების ატესტატი და სურთ პროფესიული განათლების მიღება, სპეციალური პროგრამის დახვეწის შემდეგ, სკოლის ატესტატის ეკვივალენტური სერტიფიკატის მიღება შეეძლება.“

დღეს მშობლების უმეტესობას სურს, შეიღობა უმაღლესი ჩააბაროს და არა პროფესიულ კოლეჯში. უნივერსიტეტების ბაზაზე პროფესიული სკოლების გახსნით და უმაღლესი პროფესიული განათლების დამკვიდრებით, პროფესიულ პროგრამებში ჩართული სტუდენტების რიცხვი მნიშვნელოვნად გაიზრდება.“

„ქვეყნის ეკონომიკური და სოციალური განვითარება მეცნიერების ფუნდამენტური დარგების უპირობო ხელშეწყობას მოითხოვს. სამინისტრო ხელს შეუწყობს მეცნიერებისა და უმაღლესი განათლების სისტემების უკეთეს ინტეგრაციას. განსაკუთრებულ აქცენტს გვაკეთებთ ახალგაზრდა მეცნიერების ნახალისებაზე. როგორც რუსთაველის ეროვნული სა-



მეცნიერო ფონდი, ასევე სამინისტრო დააფინანსებენ დამატებით საგრანტო კონკურსებს ახალგაზრდა მეცნიერების ნახალისებლად. თუ აქამდე ფუნდამენტურ და გამოყენებით კვლევებში კონკურსები მონაცვლეობით, წლის გამოტოვებით, ცხადდებოდა, სამინისტროს ინიციატივით, ამიერიდან ორივე ტიპის კვლევაში კონკურსი ყოველწლიურად გამოცხადდება.“

მინისტროს თქმით, უმნიშვნელოვანესია ისეთ პროგრამებში მონაწილეობა, როგორცაა ევროკავშირის კვლევისა და ინოვაციების პროგრამა „ჰორიზონტი 2020“, გაძლიერდება როგორც არსებული საერთაშორისო საგრანტო პროექტები, ასევე დაიწყება ახალი პროგრამების მოძიება.

გამომდინარე იქიდან, რომ მსოფლიო სამეცნიერო თანამეგობრობაში საქართველოს სრულფასოვანი ინტეგრირებისთვის სამეცნიერო დიასპორას ფასდაუდებელი წვლილის შეტანა შეუძლია, სამინისტრო ამ მიმართულებითაც აქტიურად იმუშავებს.

ახალგაზრდულ პოლიტიკაზე საუბრისას მიხეილ ჩხენკელმა განაცხადა, რომ უმთავრესი აქცენტი არაფორმალური განათლების განვითარებაზე გაკეთდება. სამინისტრო ხელს შეუწყობს ზამთრის და ზაფხულის სამეცნიერო სკოლების საქმიანობას, მეცნიერების პოპულარიზაციასა თუ საერთაშორისო სამეცნიერო ცენტრებში სასწავლო მივლინებებს.

გაიზრდება ახალგაზრდულ და მოსწავლეთა ბანაკებზე ხელმისაწვდომობა. განსაკუთრებული ყურადღება მიექცევა ზუსტ და საბუნებისმეტყველო, სახელოვნებო და სპორტულ მიმართულებებს. ამასთან, ქართველ მოსწავლეებს საშუალება ექნებათ საერთაშორისო ბანაკებში წავიდნენ და საქართველოს ბანაკებშიც ვუმასპინძლოთ უცხოელ მოსწავლეებს, რაც მოზარდების დამეგობრებას და ახალგაზრდული დიპლომატიის განვითარებას შეუწყობს ხელს.

მინისტროს თქმით, სამინისტროს სურვილია, საქართველოსა თუ უცხოეთში ორგანიზებული ყველა ბანაკში აფხაზი და ოსი მოზარდებიც აქტიურად ჩაერთონ.

დაბოლოს, განათლებისა და მეცნიერების მინისტრმა ხაზი გაუსვა საერთაშორისო თანამეგობრობისა და პარტნიორი ორგანიზაციების დახმარების მნიშვნელობას: „საქართველოს განათლების სისტემის განვითარება წარმოუდგენელია მეგობარი ქვეყნებისა და პარტნიორი ორგანიზაციების თანადგომის გარეშე. განათლების სამინისტრო უზრუნველყოფს ყველა დონორი ორგანიზაციის კონსოლიდაციას, რათა სასურველ შედეგს ერთობლივი ძალებით მივაღწიოთ. ამ თვალსაზრისით, მნიშვნელოვანია ამერიკის შეერთებული შტატების მთავრობის და ამერიკელი ხალხის დახმარება საქართველოს განათლების სისტემის გაძლიერებისთვის. უაღრესად დასაფასებელია ათასწლეულის გამოწვევის კორპორაციის, ამერიკის შეერთებული შტატების საერთაშორისო განვითარების სააგენტოს და ამერიკის საელჩოს, ევროკავშირის დონორი ქვეყნების, თავად ევროკავშირის, ასევე მსოფლიო ბანკის, გაერთიანებული ერების ორგანიზაციის მხარდაჭერა. აღნიშნული საერთაშორისო ორგანიზაციების წარმომადგენლებს უკვე გავაცანით ჩვენი ინიციატივები და მათგან სრული თანადგომისა და აქტიური მონაწილეობის პირობა მივიღეთ. ჩვენი ხალხის სახელით, მადლობას ვუხდით თითოეულ მათგანს ამ თანადგომისთვის.“



ახალი ახგაბი

სტუდენტური საერთო სასხოვრებელი



ივნიე ჯავახიშვილის სახელობის თბილისის სახელმწიფო უნივერსიტეტის ასი წლისთავის აღსანიშნავად, საქართველოს განათლებისა და მეცნიერების სამინისტრომ უნივერსიტეტს სამასზე მეტი სტუდენტისთვის განკუთვნილი ევროპული სტანდარტების საბინაო კომპლექსი გადასცა, სადაც სტუდენტებს, მათ შორის, რეგიონებიდან ჩამოსულ ახალგაზრდებს, საინტერესო ცხოვრების, სპორტული აქტიურობის, შემოქმედებითი დასვენების, ახალი მეგობრების შექმნისა და ცხოვრებისეული გამოცდილების გამდიდრების შესაძლებლობა ექნებათ.



კონკურსი უფროსკლასელთათვის

კულტურული მემკვიდრეობის დაცვის ეროვნული სააგენტო და საქართველოს ტრადიციული რეწვის ასოციაცია, საქართველოს კულტურისა და ძეგლთა დაცვის, საქართველოს განათლებისა და მეცნიერების, საქართველოს საგარეო საჩემთა სამინისტროების, გაზაფხულის „ახალი განათლება“ და სხვა პარტნიორი ორგანიზაციების მხარდაჭერით, აცხადებს კონკურსს თემაზე:

„ტრადიციული სათამაშოები“

კონკურსის მიზანია:

- გამოავლინოს დღემდე, უზუცესების მეხსიერებაში შემონახული სხვადასხვა კუთხის ხელნაკეთი სათამაშოების დამზადების ტექნოლოგია;
• გაზარდოს საზოგადოების, განსაკუთრებით ახალგაზრდების ინტერესი მათი კუთხის არამატერიალური მემკვიდრეობის მიმართ;
• შექმნას განსხვავებული, შემოქმედებითი პლატფორმა სხვადასხვა ქვეყნების მოზარდების დამეგობრებისათვის;
• გაუღვივოს ახალგაზრდა თაობას ინტერესი წინაპრების კულტურისა და შემოქმედებისადმი;
• დაეხმაროს ახალგაზრდებს სხვა კულტურების გაცნობაში და ჩამოყალიბოს მათდამი პატივისცემის გრძნობა.

კონკურსის მოწყობა ორ ტურად:

პირველი ტური გულისხმობს სკოლაში, მოსწავლეთა ნამუშევრების პირველად სელექციას, რომელიც სკოლის ადმინისტრაციის მიერ, საკონკურსო პირობების ყველა ნორმის დაცვით იქნება შერჩეული და გადმოგზავნილი მითითებულ ელმისამართზე (იხ. საკონკურსო ნიმუშის ნარდგენის ფორმა). საჭიროების შემთხვევაში, სკოლის ხელმძღვანელობამ თავად უნდა გაუწიოს მოსწავლეს ტექნიკური დახმარება.

მითითებული ნაშრომი უნდა მოიცავდეს:

1. ვორდის ფაილში დაწერილ სათამაშოს დამზადების აღწერილობას;
2. მოსწავლეთა მიერ მოთხრობილი ამბის მიხედვით შესრულებულ (დახატული, გამოძერწილი, კონსტრუირებული და სხვ.) ილუსტრაციებს და მათ, მაღალი ხარისხით გადაღებულ, ფოტოებს (რადგან შეზღუდული არ არის). ფოტოები უნდა ეარმოგზავნოს ვორდის ფაილში შესრულებულ ნაწარმთან ერთად jpg ფორმატში;
3. ელემენტზე მუშაობის ამსახველ ფოტომასალას (გადმოგზავნილი ასევე jpg ფორმატით);
4. ვორდის ფაილში დაწერილი ნაშრომი გაფორმებული უნდა იყოს მონაწილის მიერ შესრულებული ილუსტრაციების ფოტოებით, რათა ნამუშევრების გადარჩევისას კომისიის წევრებს გაუადვილდეთ მათი შეფასება.
სასურველია, ნიმუში ჩაინეროს თქვენი რეგიონის (სოფლის, ქალაქის, ქუჩის, უბნის, ოჯახის, და ა.შ.) მკვიდრი მოსახლისაგან. კონკურსის პირველი ტურის შედეგად შერჩეული საუკეთესო ერთი ან რამდენიმე ნიმუში სკოლამ უნდა გადმოგზავნოს:

გათვალისწინებული საზოგადოებრივი, ადმინისტრაციული დანიშნულების შენობა და სპორტული მოედანი. საქართველოს განათლებისა და მეცნიერების მინისტრის, მიხეილ ჩხენკელის განცხადებით, უკვე მიმდინარეობს მოლაპარაკებები კერძო სექტორთან და სწორედ მათი მონაწილეობით, იგეგმება 3 ათას ადგილიანი საერთო საცხოვრებლის მშენებლობა სხვადასხვა სასწავლებლების, მათ შორის, უცხოელი სტუდენტებისათვის. მინისტრი დარწმუნებულია, რომ სახელმწიფოს მხრიდან ასეთი მხარდაჭერა სტუდენტთა აკადემიურ მოსწრებაზეც აუცილებლად აისახება.

თანამშრომლობის მემორანდუმი

კერძო უმაღლესი სასწავლებლების ასოციაციასა და სკოლებს შორის თანამშრომლობის მემორანდუმს მოენერა ხელი. მემორანდუმის მიზანია სკოლებსა და ასოციაციის დამფუძნებელ უმაღლეს სასწავლებლებს შორის (საქართველოს უნივერსიტეტი, ქართულ-ამერიკული უნივერსიტეტი, გრიგოლ რობაქიძის უნივერსიტეტი) მჭიდრო და გეგმავადი ურთიერთობის დამყარება.

ასოციაცია ორმოც სკოლასთან (თბილისიდან, ქუთაისიდან, ბათუმიდან, რუსთავიდან და წყალტუბოდან), მემორანდუმის ფარგლებში, თანამშრომლებს საგანმანათლებლო აქტივობების ხელშეწყობისთვის, რაც გულისხმობს:

- ახლებურად გააზრებული სასწავლო-შემოქმედებითი გარემოს ფორმირების ხელშეწყობას;
• საგანმანათლებლო ხასიათის ინფორმაციის ორმხრივად ურთიერთგაცვლას; მეთერთმეტე-მეთორმეტე კლასის მოსწავლეთათვის პროფესიული ორიენტაციისათვის საჭირო ცოდნისა და ინფორმაციის მიწოდებას;
• ერთობლივი სასწავლო და საგანმანათლებლო პროექტების შემუშავებასა და განხორციელებას, მეცნიერული კვლევებისადმი მოსწავლეთა ინტერესის გაღვივებას;
• მოსწავლეთათვის, სტუდენტებთან კოორპორაციის ფორმატში, კონკურსების, ოლიმპიადების, გამოფენების, ინტელექტუალური თამაშების, პრეზენტაციების, მრგვალი მაგიდისა და სემინარების გამართვას;
• სკოლის მოსწავლეთათვის „ნორჩ პროგრამისტა“, „მო-



მაგალ დიპლომატთა, „დებატების“ კლუბების, „საყმანვილო ტელევიზიისა“ და „ლიდერთა სკოლის“ ჩამოყალიბებას, მათი საქმიანობის კოორდინირებას;

- „საზაფხულო სკოლების“ მუშაობაში მოსწავლეთა ჩართულობის უზრუნველყოფას;
• სტუდენტთა და მოსწავლეთა თვითმმართველობის ორგანოების თანამშრომლობას.

საქართველოს ტექნოლოგიური მემკვიდრეობა

ათასწლეულის გამოწვევის ფონდისა და ათასწლეულის გამოწვევის კორპორაციის მიერ, საქართველოს იუსტიციის სამინისტროს ეროვნულ არქივთან თანამშრომლობით, გაიხსნა ფოტოგამოფენა „საქართველოს ტექნოლოგიური მემკვიდრეობა“, რომელსაც განათლებისა და მეცნიერების მინისტრის მოადგილე, ალექსანდრე თევზაძე ეწვია. გამოფენის მიზანია, საზოგადოებას გააცნოს XX საუკუნის საქართველოს მიღწევები ტექნოლოგიებისა და ინოვაციების სფეროში. ექსპოზიციას წარმოადგენდა ფოტომასალა ქართველი მეცნიერებისა და საზოგადო მოღვაწეების შესახებ, რომელთაც მნიშვნელოვანი მიღწევები შექმნათ ტექნოლოგიებისა და ინოვაციების სფეროში. ასევე, ასახულია საქართველოში განხორციელებული მნიშვნელოვანი გამოგონებებისა და ტექნოლოგიური პროექტების ამსახველი უნიკალური ფოტოები.

- სად, როდის, რისთვის და ვის მიერ იქნა მოთხრობილი და ჩანერილი ეს ნიმუში და ვისგან იხსნა მისი დამზადება?
• რას უკავშირდებოდა აღნიშნული სათამაშოს გამოყენება, ტრადიციულად რა დროს, რა შემთხვევაში თამაშობდნენ წარმოდგენილი ნიმუშით (აღწერეთ გარემოება და თამაშის პროცესი (თუ ეს შესაძლებელია);
• აღწერეთ თავად ნიმუშის დამზადების პროცესი (მასალა და ტექნოლოგია);
• რა ატრიბუტები/იარაღები უკავშირდება/ახლავს თან მის დამზადებას/გამოყენებას (ასეთის არსებობის შემთხვევაში დააფიქსირეთ ფოტოზე);
• სხვა პირობები, რომელიც აუცილებელია აღნიშნული ნიმუშის დამზადების დროს;
• რა როლი ენიჭება თქვენ მიერ შერჩეულ ნიმუშს საზოგადოების კულტურულ, რელიგიურ ან ყოველდღიურ ცხოვრებაში. დასაბუთეთ შემოთავაზებული ნიმუშის მნიშვნელობა (უნიკალობა ან ორიგინალობა) პირადად თქვენთვის (რეგიონისთვის, სოფლისთვის, ოჯახისთვის, სკოლისთვის...), საზოგადოებისათვის. სპეციფიკის გათვალისწინებით, წარმოდგენილ ნაშრომს უნდა ახლდეს შესაბამისი თვალსაჩინო მასალა: ფოტო, ვიდეო/აუდიო (შესაძლებლობის შემთხვევაში), ასევე ჩანახატი, ჩანახაზი, შაბლონი, სქემა, ესკიზი და სხვა თვალსაჩინო მასალა.

მოსწავლეთა განაცხადები შეფასდება შემდეგი კრიტერიუმებით:

- ნამუშევრის აღწერილობითი ნაწილი – 10 ქულა;
ნაკეთობის ტრადიციულობა – 10 ქულა;
ნაკეთობის ესთეტიკური მხარე – 10 ქულა.

კონკურსის გამარჯვებულებისთვის გამოყოფილია შემდეგი ადგილები:

- ერთი პირველი ადგილი;
• მეორე ადგილს გაიყოფს ორი მონაწილე;
• მესამე ადგილს გაიყოფს სამი მონაწილე.
შეფასება მოხდება ქულათა დაჯამების პრინციპით. ნამუშევრებს, სპეციალისტებთან ერთად, განიხილავენ არამატერიალური კულტურული მემკვიდრეობის ექსპერტები.
გადმოგზავნის ვადაა 2018 წლის 20 მარტი
გვეკონტაქტეთ: სამუშაო დღეებში მარინა თაქთაქიშვილი 599 08 40 03; aramaterialuri@yahoo.com



საქართველო

მთავარი ორიენტირები ბულინგის დასამარცხებლად

გოლო დროს, არასრულწლოვანებს შორის გამოვლენილია ბულინგის მწვავე შემთხვევები, თანა კიდევ უფრო აქტუალური გახდა და ჩვენმა ბავშვებმა არაერთი ვუზლიკაცია მიუძღვნა ბულინგის პრევენციას, მიზანმიმართულ, საჭირო რეაგირებასა და იმ კონკრეტულ ქმედით ნაბიჯებს, რომელსაც საზოგადოება ხელისუფლებისგან და, ზოგადად, სისტემისგან ითხოვს უფრო ეფექტური შედეგის მისაღწევად. განათლებისა და მეცნიერების სამინისტროსგან არაერთი კომენტარი გაკეთდა იმის შესახებ, რა ღონისძიებებს ასრულებს სისტემა პრობლემის დასაქმებლად, რა ინსტრუმენტებითა და მეთოდებით ცდილობს, თავი დააღწიოს კალაძის მწვავე გამოვლინებებს თუ მის უხილავ ფორმებს. თუმცა, როგორც ჩანს, კალაძის არც მხოლოდ ჩვენი სკოლის თანმდევი პროცესია და არც ასე მარტივად გადასაჭრელი პრობლემა, რადგან მოზარდებს შორის კალაძის, მსოფლიოს არაერთი ქვეყნის სერიოზულ თავსატეხად იქცა, რასაც საერთაშორისო კვლევებიც ადასტურებს და სახელმწიფო დონეზე განხორციელებული კვლევებიც. ჩვენს სკოლაში, ბულინგის პრობლემა რომ სერიოზულად დგას, ეს სახალხო დამცველის მიერ ცოტა ხნის წინ გამოქვეყნებულმა კვლევის შედეგებზე აჩვენა და იმ მიმართულებით, რომელიც, გოლო დროს, არასრულწლოვანების მიერ ჩადენილი სასტიკი კალაძის შემთხვევები შექმნა. ბუნებრივია, პირველი კითხვა საზოგადოებას სისტემის მიმართ უნდა იყოს – რა პრევენციულ ღონისძიებებს ასრულებს განათლებისა და მეცნიერების სამინისტრო იმისთვის, რომ მოზარდებს სკოლაში თავი უსაფრთხოდ იგრძნონ, როგორც რეაგირება მასწავლებელი და დირექტორი ბულინგის



ბის თავიდან ასაცილებლად ან გამოვლენილი შემთხვევების ეფექტურად მოსაგვარებლად? როგორ ვიქცეოთ რთული სიტუაციიდან ეფექტურად გამოვლის საუკეთესო გზებს? – ამ საკითხებზე გვესაუბრება მასწავლებელთა პროფესიული განვითარების ეროვნული ცენტრის სტანდარტების განვითარებისა და დანერგვის სამსახურის უფროსი მარიკა სინარულიძე.

– როგორც ცნობილია, ცენტრი მასწავლებლებს ბულინგის პრევენციისთვის ტრენინგ-მოდულს ასრულებს, რა არის მოდულის მთავარი კომპონენტები და რა ტიპის აქტივობებს სთავაზობს მასწავლებლებს?

– 2016 წლიდან სკოლაში რეგულარულად ინერგება საკმაოდ მოცულობითი სატრენინგო მოდული – „ბულინგის პრევენცია და ტოლერანტული კულტურის ხელშეწყობა“. მოდული კონკრეტულად სამოქალაქო განათლების მასწავლებლებისთვის და იმ ადამიანებისთვისაა განკუთვნილი, რომლებიც ყველაზე მნიშვნელოვან როლს წარმოადგენენ სკოლაში კონფლიქტების აღმოფხვრის მიმართულებით – კლასის დამრიგებლები. ამ სეგმენტზე გათვლილი, საკმაოდ მოცულობითი, ინფორმაციული და ინტერაქტიული, 40-საათიანი სატრენინგო მოდული, უკვე 600-ზე მეტმა მსურველმა გაიარა. მოდული მაქსიმალურად მოიცავს ბულინგის ყველა მიმართულებას, დანერგული ბავშვთა უფლებები და მსოფლიოში აღიარებული კონვენციებით, დამთავრებული იმ მაგალითებით, რომელიც ბულინგის ნიშნების ამოცნობას, პრევენციასა და მართვა-აღმოსვლას ეხება. ბულინგის მიმართულებები კი საკმაოდ ბევრია – კიბერბულინგი, სატელევიზიო, სექსუალური ხასიათის თუ ჯგუფური, ასევე, ფიზიკური და ემოციური ბულინგი და სხვ. მოიაზრება, ასევე, ფიზიკური და ემოციური ბულინგი.

მაგალითად, მოდულში ერთ-ერთი აქტივობა ასეთია: ტრენერი მსმენელებს სთხოვს, გაეცნონ ცხრილში ჩამოთვლილ მსხვერპლთა მანიპულაციის სახეებს, მაგალითად, იზოლირება, დამცირება, წინააღმდეგობრივი მოთხოვნები, მუქარა, ძალის დემონსტრირება, პერიოდული შეწყობა, ფაქტების უარყოფა, ხელმოკლე ფორმულირება. შეთავაზებული ძალადობის შემთხვევების განხილვა და იდენტიფიცირება საკლასო ოთახში მიმდინარეობს. მასწავლებელი მსხვერპლის როლში შესვლით ადგენს ძალადობის ფორმირების დონებს. შემდეგ იმართება დისკუსია. აქტივობის მიზანია ძალადობის ხილული თუ უხილავი მიზეზების გაცნობიერება, რაც ხელს უწყობს კონფლიქტის მოგვარებას ან მნიშვნელოვნად ამცირებს მის ალბათობას. ტრენერი მასწავლებლებს ორ ჯგუფად ყოფს და ურჩევს სხვადასხვა ფერის ქაღალდებს, ერთ ფერზე უნდა დაწერონ ძალადობის ხილული მიზეზები, ხოლო მეორეზე – უხილავი. ტრენერი წინასწარ დახატულ აისბერგზე აწებებს ქაღალდებს და ამით წარმოაჩენს ხილულ და უხილავ დონეებს. სერიოზული დრო ეთმობა გამოკვეთილი დონეების განხილვას და ძალადობისა და ბულინგის ცნებების ერთმანეთთან დაკავშირებას. ამით მაქსიმალურად ვცდილობთ, რომ მასწავლებელმა ბოლომდე გაიაზროს, რას შეიძლება ეწოდოს ბულინგი და რას – სხვა ტიპის ძალადობა.

მოდულის უმნიშვნელოვანესი კომპონენტია მშობლებთან ურთიერთობის ნაწილიც. ბუნებრივია, თუ ჩვენ მშობლებთან არ გვექნა კომუნიკაცია და ერთად არ დადგა სკოლის ადმინისტრაცია, მასწავლებელი, დამრიგებელი და მშობელი, ბულინგის პრევენცია, თავისთავად, არაეფექტური იქნება. მშობლებსგან თუ არ გვექნა ინფორმაცია მათი შვილების შესახებ, ოჯახურ სატიკვარზე, მაშინ როგორ დავეხმაროთ მათ? როგორ დაუდგეს მხარში სკოლა და დამრიგებელი მასწავლებელს? ყველაფერი ფუჭი იქნება, რადგან დოკუმენტებისა და კანონის გარდა, ამ პროფესიაში არსებობს ადამიანური მხარე, რომელიც, ხშირ შემთხვევაში, გადაწყვეტს როგორც თამაშობს. არაერთ შემთხვევაზე, როცა ბავშვის უფლებებზე ვსაუბრობთ, პედაგოგები ამბობენ: პირველ რიგში, ადამიანური და დედობრივი გრძობა მთავარი ორიენტირი და მერე მოდის საგანი და ის უნარები, რომლითაც მასწავლებელი უნდა აღჭურვოდ.

ამიტომაც არის მნიშვნელოვანი, რომ მოდული ოჯახში ძალადობასაც განიხილავს. ამისთვის, ასევე, იშვლებს მაგალითებს კვლევებიდან, რომელიც საქართველოში ბავშვთა მიმართ ძალადობას ასახავს და ტრენინგის ბენეფიციარებს შორის დისკუსიას წარმართავს. ამას წინ უძღვის ლექციის ტიპის საუბარი – მსმენელს აცნობენ ინფორმაციას, როგორ ხდება

ბავშვთა ტრავმირება სხვადასხვა სიტუაციებში, მაგალითად, როცა ბავშვი ოჯახში ძალადობის შემსრულე ხდება და შემდეგ, კლასში, თავად წარმოჩნდება, როგორც მოძალადე. ეს ერთგვარი უტყუარი დასტურია იმისა, თუ როგორ შეიძლება ბავშვის ტრავმირება ძალადობრივ ოჯახურ გარემოში. ამ შემთხვევაში, ხაზგასმულია სკოლის როლი – როგორ ავიცილოთ თავიდან მსგავსი შემთხვევები სკოლის ჩარევით და ა.შ.

ბავშვზე ძალადობის ფორმები ასე ჯგუფდება – მოზარდი და ოჯახი, მოზარდი და სკოლა, მოზარდი და სხვა უფროსი, მოზარდი და მოზარდი. შემდეგ, გამოკვეთილი ოთხი მიმართულება განიხილება მოზარდისა და სახელმწიფოს ქროლში, რა ფუნდამენტური დოკუმენტები აქვს სახელმწიფოს შემუშავებული ბავშვზე ძალადობის პრევენციისთვის, რა საერთაშორისო ნორმები არსებობს ამ მიმართულებით და ა.შ. ტრენინგებზე, ასევე განიხილება საერთაშორისო ორგანიზაციების კვლევებიც, რომლებიც საკმაოდ ვრცელი ინფორმაციის შემცველია. ტრენინგები ბენეფიციარებს გარკვეული ტიპის დავალებებსაც აძლევს და შემდეგ სესიაზე განიხილავს ინფორმაციის მიღების ხარისხს. ტრენინგ-მოდულის ძალიან მნიშვნელოვანი ნაწილია ბავშვთა დაცვის მიმართულების – რეფერირებისა და პროცედურების დოკუმენტების განხილვა. ძირითადად, ბულინგის იდენტიფიცირებისთვის, მოდული მასწავლებლებს ამ ტიპის აქტივობებს სთავაზობს. თუმცა, როგორც უკვე გითხარით, ამის გარდა, ტრენერი ბენეფიციარებს უშუალოდ მონაწილეს როლში აყენებს და მაგალითებით განიხილავს სხვადასხვა სახის შემთხვევებს, როგორ თამაშებით უჩვენებს ექსტრემალურ სიტუაციებში ბავშვების ქცევის მართვის საუკეთესო გზებს, რომელიც, ძირითადად, მათთან თანამშრომლობას ეფუძნება. ეს მართლაც საუკეთესო შესაძლებლობაა რთული სიტუაციიდან ეფექტურად გამოსასვლელად.

– რა კონკრეტული აქტივობები უნდა განხორციელდეს მასწავლებელმა ბულინგის პრევენციისთვის?

– აქტივობებიდან უმთავრესი მაინც მონაწილეთა საუბრის მუდმივად წარმოებაა. ამის გარდა, ამ თემატიკაზე ფილმების ჩვენება და შემდეგ განხილვა. მასწავლებლები მონაწილეთა წინაშე მაქსიმალურად წარმოაჩენენ ტოლერანტული თვისებების მქონე პიროვნებას, კონკრეტული მაგალითების ჩვენებით, სიტუაციური, როლური თამაშებით, რაც აბსოლუტურად გამჭოლია და არც ერთ საგანზე არ არის ორიენტირებული. ეს ის ძირითადი მეთოდებია, რომლითაც მასწავლებელმა, ჩვენ მიერ შეთავაზებული მოდულის გავლის შემდეგ, მონაწილეთაგან უნდა იმუშაოს.

რაც შეეხება ტოლერანტულ თვისებებს, ეს ძირითადად, ადამიანში კეთილგანწყობის გავლენება – განსხვავებული აზრის მიმართ პატივისცემა, სხვების განსჯისგან თავის შეკავება, ზოგადად, ჰუმანიზმი, ადამიანის მიმართ სიყვარული და პატივისცემა. ამ თვისებების თვალსაჩინოებად მასწავლებელმა, როგორც გითხარით, შეიძლება ფილმები გამოიყენოს, ასევე, შეიძლება განხილული იყოს არატოლერანტული ქცევის მაგალითებიც, რათა მონაწილეთა დაინახონ, რა არის შეურაცხყოფა და დაცინვა, იგნორირება და გარიყვა (რაც ბულინგის ძალიან მნიშვნელოვანი ნაწილია და რასაც ნაკლებად ექცევა ხოლმე ყურადღება).

მასწავლებელმა აუცილებლად უნდა გაამახვილოს ყურადღება იმაზეც, რა შეიძლება მიიჩნიონ მუქარად, დამინებად და დევნად, თუნდაც ეს სუბრობით, არასერიოზულად, ყველასთვის სახალისოდ განხორციელდეს კლასში. მაგალითად, ტრენინგ-მოდულში გამოყენებულია დამცირების ასეთი ნიმუშიც – ერთ-ერთი ბიჭი თანაკლასელ გოგონას სასიყვარულო წერილს სწერს. მესამე თანაკლასელი (შეიძლება სრულიადაც არ აქვს ცუდი განზრახვა არც ერთი კლასელის მიმართ), რომელსაც შემთხვევით ხელში უფარდება წერილი, „ბავშვური ხალისის გამოვლინებით“, დასვენებაზე, სხვების თანდასწრებით, ხმაბლად კითხულობს სასიყვარულო წერილს. რაც მთავარია, ვერც კი იაზრებს, როგორ შეიძლება

ამით გული ატკინოს როგორც ერთ, ისე მეორე თანაკლასელს. მსგავსი მაგალითების მოშველიებით, კლასში, მასწავლებელი განიხილავს იმ ფარულ თუ ხილულ მიზეზებს, რაც მონაწილეს ჩაგვრის მსხვერპლად აქცევს. მეტიც, განიხილება ქმედებად, რომელიც, ნებისთი უნებლიეთ, ბავშვზე ფსიქოლოგიური ზენოლის ბერკეტად მოიაზრება. სატრენინგო მოდულიც სწორედ იმაზეა აქცენტირებული, რომ ბავშვებს მივანიშნოთ ნებისმიერი ტიპის არატოლერანტულმა, არამეგობრულმა, არათანამშრომლობითმა და არაჰუმანურმა საქციელმა, შეიძლება თანატოლებთან დაძაბულობა და კონფლიქტი წარმოშვას, მეტიც, ყველაზე უკიდურესი ფორმა – სუიციდიც კი, რომლის მაგალითები, სამწუხაროდ, ბოლო წლების განმავლობაში, არაერთი იყო. ადამიანები, რომლებიც განათლების სისტემაში ვმუშაობთ, ამას ძალიან მწვავედ აღვიქვამთ და ვცდილობთ, მასწავლებლები სათანადო უნარებით აღჭურვოდ, რომ ეს ყველაფერი დროულად ამოიციონ და ეფექტური რეაგირება მოახდინონ.

– როგორ ფიქრობთ, ბულინგის პრევენცია საგნებთან ინტეგრირებულად უნდა მოხდეს თუ ამისთვის მასწავლებლებს სპეციალურად უნდა ჰქონდეს დრო გამოყოფილი? როგორია დამრიგებლის როლი ბულინგის პრევენციაში?

– ყველა ფუნდამენტურ დოკუმენტში, იქნება ეროვნული სასწავლო გეგმა თუ მასწავლებლის სტანდარტი, ზოგად ნაწილში, ქუდად, ხაზგასმულადაა გამოყოფილი, რომ ყველა საგნის მასწავლებელმა, პირველ რიგში, მონაწილეთა შორის თანასწორი გარემო უნდა შექმნას, თვითონაც პოზიტიური და ტოლერანტული იყოს ყველა მონაწილეს მიმართ. ფუნდამენტურ დოკუმენტებში, თუნდაც რევიზიის პროცესში, ეს ნაწილი არასოდეს დაიკარგება და პედაგოგი ვალდებულია, იზიარებდეს ამ პრინციპებს და ნერგავდეს სკოლაში. რაც შეეხება დამრიგებელს, როგორც გითხარით, უკვე არსებული ტრენინგ-მოდული სწორედ მათთვისაა განკუთვნილი. ყველა, ვინც ამ მოდულს გაივლის და კიდევ უფრო მეტად შეეხება ბულინგის ფარულ თუ აშკარა გამოვლინებას, მიღებული ცოდნის კლასში დანერგვას შეეცდება. არც ერთი დეტალი, ერთი შეხედვით თითქოს უმნიშვნელოც კი, არ უნდა დარჩეს ყურადღების მიღმა, რადგან ამან, შეიძლება სერიოზული და არასასარბილო პრობლემები წარმოშვას. მათ შორის დავასახელებ, თუნდაც, მონაწილეთა თვითშეფასების დაქვეითებას. „ეს არ გამოივა“, „ამას ვერ შეეძლება“ – მონაწილის ასეთი თვითშეფასება პირდაპირი სასიგნალო ნიშანია მასწავლებლისთვის, რომ სწორი და დროული ინტერვენცია განახორციელოს მონაწილის თვითშეფასების ასამაღლებლად. ტრენინგ-მოდულის მეშვეობითაც ხომ სწორედ მსგავს შემთხვევებზე რეაგირების მეთოდებს ვასწავლით.

– საინტერესოა ისიც, როგორ ადგენთ მოდულით მასწავლებლის ტოლერანტობის ხარისხს – რამდენად ტოლერანტულია თავად, რომ ბავშვებს ეს უნარი განუვითაროს?

– ეს არის ფასეულობების და ღირებულებების ნაწილი, რომელიც, სამწუხაროდ, იოლად გაზომვადი არ არის. მსოფლიოში განათლების ექსპერტები თანხმდებიან, რომ ასეთი რამ მარტივად არ იზომება. შეიძლება იყოს გარკვეული ტიპის კითხვარი, გასაუბრება ან დისკუსია, რომელიც გამოავლენს ანა თუ იმ პარამეტრებს. ჩვენ ევროსაბჭოს ევროკონვენციების დანერგვის ნაწილშიც ვმუშაობთ. ამ მიმართულებით, ვახორციელებთ პროგრამას, რომელიც დემოკრატიული კულტურისა და ტოლერანტობის არაერთ ფუნდამენტურ დოკუმენტს მოიცავს, რაც ბავშვთა უფლებების დაცვას ეხება.

– ფიქრობთ, ყურადღების მიღმა დარჩენილი ერთი მნიშვნელოვანი დეტალი – არ გვაქვს რეალური სტატისტიკა, სკოლებში არ აღირიცხება ბულინგის შემთხვევები. ფიქრობთ თუ არა, რომ მასწავლებლისთვის სავალდებულო უნდა იყოს მსგავსი აღრიცხვის წარმოება, რათა რეალურად შეფასდეს საჭიროებები, რომელ სკოლას და მასწავლებელს რა კონკრე-



საქალაქური თემა

ტული სახის ინტერვენცია ან დახმარება სჭირდება?

ეს არ იქნება ადვილი პროცესი, რადგან აღრიცხვა ძალიან ბევრ ფარულ ფაქტორზეა დამოკიდებული, ბევრი ქმედება - ყურში ჩაჩურჩულებიდან დაწყებული, სერიოზული ჩხუბით დამთავრებული - შეიძლება ძალადობრივი სურათის შემქმნელი აღმოჩნდეს. ამიტომ, ვფიქრობ, აღრიცხვიანობის წარმოება ძალიან რთული იქნება. ბუღინგის მსხვილი და მწვავე შემთხვევები იოლად დასათვლელია, მაგრამ ტექნიკურად ცოტა რთულად მჩვენება, მასწავლებელმა ყოველი რეპლიკა ან შელაპარაკება აღრიცხოს. ჩვენი ამოცანაა ღირებულებებზე და ჰუმანიზმის ძირითად ფუნდამენტურ მიმართულებებზე მუშაობა. თუმცა, თქვენ მიერ დასმული კითხვა, ალბათ, არა შინაარსობრივ ნაწილზე მომუშავე ადამიანებს, არამედ უფრო ადმინისტრირების ნაწილში ჩართულ სპეციალისტებს ეხება. მე მხოლოდ იმის თქმა შემიძლია, რომ აღიცივების წარმოება, ფიზიკურად, შეიძლება იოლი არ იყოს, თორემ, თავისთავად, მსგავსი სტატისტიკის არსებობა საკმაოდ საინტერესო და გამოსადეგი იქნებოდა.

იყო თუ არა რეაგირება სახალხო დამცველის მიერ გამოქვეყნებულ ანგარიშზე, რომელმაც სკოლებში ძალადობისა და ბუღინგის შემთხვევების გაზრდილი შემთხვევები აჩვენა? სამწუხაროდ, ფაქტია, რომ არ აღმოჩნდა საკმარისი და ეფექტური ის მცდელობა, რომელზეც უკვე ვისაუბრეთ.

ძალიან აქტიურად ვთანამშრომლობთ სახალხო დამცველის აპარატთან და, ბუნებრივია, ამ კვლევის პრეზენტაციებზეც ვიყავით. თავისთავად, არა მხოლოდ ამ ინსტიტუტის მიერ ჩატარებული კვლევის შედეგები გვინტერესებს, არამედ ნებისმიერი კვლევის, რომელიც სკოლებში ძალადობისა და ბუღინგის საკითხებს ასახავს. აქედან გამომდინარე, აქტიურად ვართ ჩართული ამ პროცესშიც. სახალხო დამცველის ანგარიშის გამოქვეყნებას დაემთხვა, ჩვენ მიერ, უფრო ფართო მასშტაბის ტრენინგ-მოდულის დაგეგმვაც. ამის შესახებ

კვლევის პრეზენტაციაზეც ვისაუბრეთ, განვიხილეთ კიდევ ჩვენი სამომავლო გეგმები. ეს არ იყო ერთჯერადი შეხვედრა, ყოველთვე თუ არა, კვარტალში ერთხელ მაინც, გვაქვს კომუნიკაცია ასეთ ინსტიტუტებთან, რომელთაც ჩვენ მიერ განხორციელებული ინტერვენციების სტატისტიკას ვანვლით.

სახალხო დამცველის მიერ გამოქვეყნებულმა კვლევის შედეგებმა კიდევ უფრო გავამყარა მოსაზრება, რომ ფართომასშტაბიანი ტრენინგების დანერგვა საჩქარო და აუცილებელია.

ფართომასშტაბიანი ტრენინგ-მოდული ახსენეთ, რომლის განხორციელებასაც მომავალში გეგმავთ. უფრო კონკრეტულად, რას გულისხმობს მოდული და რომელი საგნის პედაგოგებისთვისაა განკუთვნილი?

სამომავლოდ გეგმავთ, არეალი კიდევ უფრო გავაფართოოთ (ეს ჩანაფიქრი დამთხვა, ცოტა ხნის წინ, ბუღინგის მწვავედ გამოვლინების შემთხვევებს). გადამწყვეტილი გვაქვს, დავინყოთ ახალი სატრენინგო პროგრამა და მოვიცვათ არა მხოლოდ სამოქალაქო განათლების მასწავლებლები და დამრიგებლები, არამედ საგნის მასწავლებლებიც, კონკრეტულად, მშობლიური ენისა და ლიტერატურის, უცხოური ენების, ესთეტიკის ჯგუფის - ხელოვნების, მუსიკის, სპორტისა და ფიზიკური აღზრდის მასწავლებლები და საზოგადოებრივი მეცნიერებების ჯგუფის პედაგოგები (ისტორია, გეოგრაფია, სამოქალაქო განათლება). ჩამოთვლილი საგნების მასწავლებლებს საშუალება ექნებათ, 2018 წლიდან, მსხვილ სატრენინგო პროგრამაში, ერთ-ერთ მოდულად გაიარონ ჩვენ მიერ შეთავაზებული მოდული, რომლის სახელწოდებაც ჯერჯერობით ზუსტად არ არის განსაზღვრული, რადგან სამუშაო პროცესშია, თუმცა, იდეაში ქვეყნის მართვას ეხება. ეს მოდული უფრო მსხვილი და მრავალფეროვანია იმ მხრივაც, რომ მასში შესულია ძალიან მნიშვნელოვანი საკითხები, მათ შორის, მასწავლებლის ქცევის (როგორ იმოქმედოს კლასში), მისი მხრიდან უსაფრთხო გარემოს შექმნის, უშუალოდ კონფ-

ლიქტებისა და ძალადობის შემთხვევების მართვის და პრევენციის საკითხები. მოდული ჩამოთვლილ პროცესებზე იქნება ორიენტირებული და ყურადღება გამახვილდება ტოლერანტული და თანასწორი გარემოს შექმნაზე, სწორედ ტრენინგ-მოდულის დახმარებით ვაპირებთ მასწავლებლების ამ ინსტრუმენტებით აღჭურვას.

უკვე არსებულ მოდულზე მეოთხედ გამოაცხადეთ რეგისტრაცია, დიდი იმედი მაქვს, რომ შემდეგ გამოცხადებაზე უკვე ფართომასშტაბიანი სატრენინგო მოდულიც წამოგვეწვევ. ასევე, დიდი იმედი მაქვს, რომ მეტი მასწავლებელი დაინტერესდება და ჩაერთვება ტრენინგებში, რადგან მას, ისე როგორც დანარჩენ მოდულებს, სავალდებულო ფორმა არ აქვს, იმ კასკადური ტრენინგებისგან განსხვავებით, რომლის გავლის აუცილებლობა პედაგოგებს მითითებულ ვადებში აქვთ განსაზღვრული. ასეთი სტატუსი ჩვენს ტრენინგ-მოდულს, ჯერჯერობით, არ აქვს. თუმცა, სქემის მიხედვით, ტრენინგის გავლის შემთხვევაში, მასწავლებლებს „მომხიბველი კრედიტ-ქულები“ ელდებათ, რაც კარიერულ წინსვლაში აუცილებლად წაადგებათ და შეიძლება, ერთ-ერთ კარგ მოტივატორად იქცეს მათთვის. ტრენინგ-მოდულის ერთი სარგებელი კრედიტების მიღებაა, მეორე - იმ პრაქტიკულ ხასიათის საშუალებისა და პროექტების განხორციელება, რომლებსაც ქვეყნის მართვის მიმართულებით განახორციელებენ მასწავლებლები და დამატებითი კრედიტებით შეფასდებიან. აქედან გამომდინარე, თამამად შეიძლება ითქვას, ტრენინგ-მოდულის გავლა მასწავლებლისთვის მრავალმხრივ მომგებიანი იქნება არა მარტო პროფესიული ცოდნისა და უნარების თვალსაზრისით, არამედ კარიერული წინსვლისთვისაც. რაც შეეხება სატრენინგო მოდულის დანერგვის ზუსტ ვადას, ჯერჯერობით ვერ გეტყვით, სავარაუდოდ, ვფიქრობთ, გაზაფხულიდან დაიწყებთ.

ესაუბრა ლალი ჯეღაძე

სასკოლო აქტივობა

ნახიჯი თანადგომისკენ

მიმდინარე წელი საქართველო-გერმანიის მეგობრობის წლად გამოცხადდა. მრავალ ღონისძიებათა შორის, რომელიც ამ თარიღს მიეძღვნა, ერთ-ერთი ესეების კონკურსიცაა - „ნახიჯი თანადგომისკენ“. მისი ორგანიზატორები არიან თსუ და საქართველოს გერმანული ენის მასწავლებელთა ასოციაცია (პრეზიდენტი - ნინო ფალავანდიშვილი).

კონკურსის მიზანი ქართულ-გერმანული ურთიერთობებში ქართველი ახალგაზრდების დაინტერესება და გერმანული ენის პოპულარიზაციაა. ჩვენი სკოლის მოსწავლეები დიდი ინტერესით ჩაებნენ ღონისძიებაში, ბევრი საინტერესო და საზოგადოებისთვის უცნობი ინფორმაცია და ფოტომასალა მოიპოვეს.

11 დეკემბერს, თსუ-ში კონკურსის მონაწილეებთან შეხვედრა და გამარჯვებულთა დაჯილდოება გაიმართა. ჩვენი სკოლის სამ მოსწავლეს: ვლადიმერ კაპანაძეს, მირანდა ჩაჩანიძეს და თამარ მუმლაძეს I ადგილი მიეკუთვნათ, ხოლო ბარბარე მანჯავიძესა და სალომე კაპანაძეს II ადგილი ხვდათ წილად. შეკრებილ საზოგადოებას სიტყვით მიმართა და გამარჯვებულებს მიულოცა ჟიურის თავმჯდომარემ, რაინ-ერფრატის მწერალთა კავშირის წარმომადგენელმა, დრამატურგმა და ქართული ანთოლოგიის გერმანულად მთარგმნელმა, რობერტ გრიუნერტმა. მანვე ნაიკითხა ქართველი ავტორების ლექსების საკუთარი თარგმანი გერმანულ ენაზე, ცოცხალი მუსიკის თანხლებით. კონკურსის გამარჯვებულ მოსწავლეებს სერტიფიკატები და სამახსოვრო საჩუქრები გადაეცათ.

შუშუნა გურჯანაძე წმინდა ანდრია პირველწოდებულის სახელობის ქიათურის მართლმადიდებლური სკოლის ქართული ენისა და ლიტერატურის მასწავლებელი

ბთავაზობთ პირველ ადგილზე გასულ ესეს განა მოითვლება?!

ისინიც არიან... ჩვენც ვართ... შორიდან შორს, დიდი და პატარა ერი... მაგრამ გული სწვდება გულს, სული-სულს. რა ვუყოთ, რომ ისტორიის ქართველებმა ჩამოწა ავბედითი ნიაღვრეები და შექმნა წლები, რომლის მოწონებაც არ შეიძლება.

ჰოდა, „აზრთა გრეხილი“ მიუყვება შორეთს, შეაღწევს წარსულში, გადასწვდება ახალსაც. ახლის ძიება უპირველესია მაინც. მაგრამ ისტორიის ბილიკების გზაწვრილებში მეტად საინტერესო ხედვები ჩნდება.

თურმე ქიათურაში გერმანელებს უცხოვრიათ, განა მხოლოდ უცხოვრიათ?

- არა! საოცარი რამეები უკეთებიათ, უშენებიათ, უმოღვაწიათ.

როცა მეტის გაგების სურვილი გამიძლიერდა, ჩემს დიდებას ვკითხე.



მათი ნაგებია, მკვიდრად ჩასხმულ-ჩამოძვრნილი, ნატიფი და ძალუმი, როგორც მათი რწმენა, რომელიც ხელებს და გონებას ერთი მიზნისკენ მიმართავდა - აეგოთ საუკუნის შენობა... შენობა დღესაც თვალს ახარებს და იცით, რა გრძნობა გეუფლება? ისინი ჩვენთან არიან, რამეთუ კულტურა აერთიანებს და ადულაბებს მეგობრობას, თანადგომას. ჰოდა, მივუყვებით ისევ წლებს, რომლის ხეველებში ნათლად კიაფობს წარსული.



ეს უნიკალური ძეგლი კი ქიათურის აკაკი წერეთლის სახელობის სახელმწიფო თეატრია, რომელიც გერმანული ტყვეების მონაწილეობით არის აშენებული და რომელშიც მათი ნა-

ფიქრალ-ნააზრევია, მათი ხელია, მათი ნიჭია და მათი ხსენების უკვდავებაა.

განა მოითვლება ის, რისი გაკეთება შეძლეს ან შეძლებენ კიდევ მეგობრული ურთიერთობებით, თანადგომით გერმანელები და ქართველები?

ქიათურაში გვაქვს ამ ადამიანების სამარხებიც, რომელთაც დიდი რუღუნებით ვუვლით. დიდი მინდორი, ლამაზად შემოღობილი, ჭიშკარზე შემორიალური დაფით, ასწლოვანი ხეებით. აქ გერმანული ტყვეების სამარადისო განსასვენებელია.



ქვაზე წარწერა ამოვიკითხეთ: აქ განისვენებენ მეორე მსოფლიო ომში მონაწილე გერმანული სამხედრო ტყვეები.



ყვავილებით შევამკეთ მათი საფლავები. გვინდა გვეროდეთ, რომ მათ ამბავს ჩვენს შთამომავლობას გადავცემთ, რომელიც კვლავაც უკვდავყოფს მათ სახელებს.

ვლადიმერ კაპანაძე, მირანდა ჩაჩანიძე, თამარ მუმლაძე



სასკოლო აქტივობა

# ჩართულობას ერთგვარი გადაწყვეტილებები ხასიათი აქვს

## ლალი ჯეღაძე

ქართულ საგანმანათლებლო სივრცეში, წლების განმავლობაში დამკვიდრებული ერთ-ერთი ნაკლი, როცა მშობელი მხოლოდ შვილის წარმატების ან წარუმატებლობის ინფორმაციის შეტყობით შემოიფარგლებოდა, ნელ-ნელა დაიწყო მისი და მშობელი გაცილებით აქტიურად ჩაება სასკოლო ცხოვრებაში, შეიქმნა „მშობელთა კლუბები“, დაიწყო პროექტები, რომლის მიზანაც სკოლასთან მჭიდრო თანამშრომლობაა, რათა მშობლებმა საკუთარი თვალთი ნახონ მასწავლებლის სწავლების სტილი, დააკვირდნენ და საგაკვეთილო პროცესის თანამონაწილნი გახდნენ, შედეგად აცნობონ შვილის საჭიროებების შესახებ და ერთად იმუშაონ პრობლემების ეფექტურად მოგვარებაზე. მართალია, დიდი ხანი არ არის, რაც სკოლაში მშობლის ჩართულობა გააქტიურდა, თუმცა გარკვეული გამოცდილება მაინც დაგროვდა. ამის მაგალითად ერთ-ერთი სკოლის აქტივობა მინდა შემოგთავაზოთ. სკოლა „კანდიდი“, რომელიც 18-წლიან ისტორიას ითვლის, ერთი წელია, ინტენსიურად წერდება „მშობელთა ჩართულობის“ პროექტს, რომლის ფარგლებშიც არაერთი საინტერესო და საჭირო აქტივობა განახორციელდა.

„კანდიდის“ დირექტორი მარინა ქვრივიშვილი გვიამბობს, რომ სკოლა, ტრადიციულად, წლის ბოლოს ძალიან საინტერესო ღონისძიებებს მართავს, ბუნებრივია, გამოწვეულია არც წლებიდან წელიწადი. „სკოლაში ახლაც ეტაპობრივად მიმდინარეობს საახალწლო თუ წლის შემაჯამებელი, საანგარიშო ხასიათის აქტივობები. ღონისძიებები ჩართულია მთელი სკოლა, დაწყებული საფეხური 480-ვე მოსწავლე. ხშირად ჩვენი ღონისძიებების დასკვნითი ეტაპი „ახმეტელის თეატრის“ ან მოზარდ მაყურებელთა თეატრის შენობაში იმართება. წელს ძალიან მნიშვნელოვანი პროექტის განხორციელება დაიწყო და სასიხარულოა, რომ მისი ინიციატორები შემოქმედი მასწავლებლები არიან. ასეთი სასარგებლო ინიციატივისთვის შედეგები პრემიებისა და სანჯახის სახით მიიღიან. პროცესი გავრცელდება და იმ შედეგებს, რომლებიც მშობლები ჩართულობაში გამოიხატეს და, საგაკვეთილო პროცესის პარალელურად, არაფორმალურ განათლებასაც დაუთმეს დრო, მოტივაციის ასამაღლებლად, მომავალშიც წავახალისებთ. მათ, ასეთი ინიციატივის გამოჩენით, საერთო ჯამში, ხელი შეუწყვეს აღსაზრდელებში პოზიტიური უნარ-ჩვევების განვითარებას.

დიდი მადლობა მინდა გადავუხადო სკოლა „კანდიდის“ მოსწავლეთა მშობლებს, რომ ასე აიტაცეს აქტივობა და სკოლის ისტორიაში ბევრი საინტერესო დღე ჩაწერეს. ღონისძიებების თემატიკას იმდენად კარგად არჩევენ, რომ არც ერთი აქტივობა არ ჩატარებულა ისეთი, მოსწავლეების აღზრდაში მნიშვნელოვანი როლი რომ არ ეთამაშა.“ – ამბობს ქალბატონი მარინა.

ღონისძიებები მართლაც მრავალფეროვანია. მაგალითად, ერთ-ერთმა მშობელმა ბავშვები თავის სტომატოლოგიურ კლინიკაში წაიყვანა და მათ კბილის ექიმთან მისვლის ამის დაძლევაში დაეხმარა, მეორემ – ბავშვებისთვის სხვადასხვა პროფესიის გაცნობა გადაწყვიტა, სკოლაში პოლიციელი მოიყვანა და სამართალდაცველის პროფესიას ღია გაკვეთილი დაუთმო – აჩვენა აღჭურვილობა, რომელსაც პოლიციელი მოვალეობის შესრულების დროს იყენებს, კანონის დაცვის აუცილებლობაზეც ისაუბრა ბავშვებისთვის გასაგებ ენაზე, რაც იმდენად მომხიბვლელი აღმოჩნდა, რომ მეორე დღეს ბავშვების უმეტესობას პოლიციელი უნდოდა.

მშობელთა ნაწილი აქტივობას ხელოვნებას უთმობს, ნაწილი – ქველმოქმედებას, ეკოლოგიის საკითხებს თუ ბავშვთა უფლებების დაცვას. პატარებმა მოინახულეს გალაკტიონ ტაბიძის მემორიალური სახლ-მუზეუმი, ლიტერატურის მუზეუმი... აქტივობების ნაწილი შემეცნებითი ხასიათის ღონისძიებებით გამოირჩევა, მაგალითად, „ყურძნის ჯიშები და ღვინის წარმოების ტექნოლოგია“, „ადამიანის აგებულება“, მართლწესრიგისა და უსაფრთხოების საკითხებზე მოსწავლეების ცნობიერების ამაღლება და ა.შ. ერთ-ერთი აქტივობა სკოლის ეზოს გამწვანებასაც დაეთმო – ეზოს პატარა მონაკვეთი, მა-

თივე გემოვნებით მოაწყობინეს. ამ დღეებში დაგეგმილია საუბარი – „არა ძალადობას“, რომელსაც ერთ-ერთი მშობელი, სასულიერო პირი, ჩაუტარებს ბავშვებს.

პროექტის „მშობლის ჩართულობა სკოლაში“ ფარგლებში განხორციელებული მორიგი აქტივობა, რომლის შემსწრეც გახვდით, პირველკლასელი ნიკოლოზ თაბუაშვილის დედის ინიცირებული იყო – პირველკლასელმა მე-200 სკოლა-პანსიონის თანატოლებს ახალი წელი მიულოცეს. თითქოს არაფრით გამორჩეული ღონისძიება ამ პატარების ცხოვრებაში თანადგომის პირველი მცდელობა იყო, მათ თანატოლებს მოკრძალებული ძვენიც – მისალოცი ბარათები და ტკბილეული – მიუტანეს და საახალწლო მინი-კონცერტიც ჩაუტარეს. მენტალური შეფერხების მქონე ბავშვების აყოლიება არც ისე იოლი აღმოჩნდა, თუმცა მათ სახეზე გამოხატული ემოცია, რომელიც ნამდვილად შესამჩნევია იყო, მადლიერების დასტურად მივიჩნიე. დეკემბრის ერთი, გამორჩეულად ნისლიანი და მოწყვნილი დღე პანსიონის ბენეფიციარებისთვის წინასაახალწლო განწყობამ შეცვალა.

თავიანთ სკოლაში დაბრუნებულ პირველკლასელებს როცა ვკითხე, მისალოცი ბარათებში რა დაწერეს, რამდენიმემ მიპასუხა, რომ ბარათის სიახლოვეთი შეცვლიდა, რადგან, უკვე დამეგობრებული ბავშვებისთვის, უფრო მეტი კეთილი სურვილის „დატოვება“ მოუხდათ.

**ნინო კობალიანი**, ღონისძიების ორგანიზატორი: „დიდხანს არც მიფიქრია რა გამეკეთებინა, რადგან მშობელთა ჩართულობით განხორციელებული აქტივობები ხომ, ძირითადად, ჩვენი შვილების სწორად აღზრდას ემსახურება. რა შეიძლება თანადგომასა და ტოლერანტობაზე ფასეული ჩაუნერგო შვილს? სხმ ბავშვებთან საახალწლოდ მისვლის იდეა მშობლებმა მოიხილეს და ღონისძიების ორგანიზებაშიც დაეხმარნენ. მცირე, მაგრამ თანატოლებისადმი გულწრფელად გამოხატული თანადგომა, მერწმუნეთ, ჩვენი შვილებისთვისაც ბევრის მომცემი და ფასეულია. ბავშვებს ამ ასაკიდანვე უნდა დავეხმაროთ საზოგადოებაში გაჩენილი სტიგმის დაძლევაში, რომ შეზღუდული შესაძლებლობები გადამდები არ არის, რომ ყველა ბავშვი თანასწორია.“

**ირმა გურგენიძე**, პირველი კლასის მასწავლებელი: „რა თქმა უნდა, მიხარია, როცა ჩემი აღსაზრდელები ასეთ ინიციატივებში არიან ჩართულები, ორმაგად სასიამოვნოა, როცა ეს ყველაფერი მშობელთა ჩართულობით ხდება. როცა ამ ღონისძიების შესახებ შევიტყვე, ორგანიზატორ მშობლებთან ერთად, მოსწავლეებს ვესაუბრე რას ნიშნავს შეზღუდული შესაძლებლობები, ვესაუბრე იმ უფლებებზე, რომელიც ნებისმიერ ბავშვს, მიუხედავად მისი სოციალური სტატუსისა, აქვს. მართლა ძალიან ფაქიზი თემაა და აუცილებელია პატარებს თავიდანვე სწორად და ჯანსაღად მივანოლოთ ინფორმაცია იმის შესახებ, რომ განსხვავებული, შესაძლებლობები კი არა, გარემოა, რომელშიც გვიწევს ცხოვრება.“

**გვანცა პეტრიაშვილი**, მშობელი: „ვფიქრობ, დღევანდელი აქტივობა ძალიან სასარგებლო იქნება როგორც ჩვენი შვილებისთვის, ისე მე-200 სკოლა-პანსიონის აღსაზრდელებისთვის. რაც მთავარია, პირველკლასელებს ამ ბავშვებთან მეგობრობის სურვილი გაუჩნდათ და იმედი მაქვს, ეს ურთიერთობა ერთგვარადი არ იქნება და მომავალშიც გაგრძელდება.“

სკოლა „კანდიდის“ დირექტორს მიაჩნია, რომ მშობლების ჩართულობა იმაშიც ეხმარება, რომ ბავშვი სახლში იმის გამო არ ისჯებოდეს, სკოლაში დაბალი ნიშანი თუ მიიღო. „სხვათა შორის, კერძო სკოლებთან განსაკუთრებული პრეტენზია აქვთ ხოლმე მშობლებს, როცა შვილები დაბალ შეფასებას იღებენ. ამიტომ გვიანდა, მუდმივი კომუნიკაციით, ეს პრობლემა უმტკივნეულოდ გადაჭრათ ისე, რომ ბავშვს სახლშიც და სკოლაშიც თავიდან აეარიდოთ ძალადობა – ამბობს ქალბატონი მარინა, – თუ მშობელი არ დაგვეხმარა იმ საჭიროებისა და პრობლემის გამოკვეთაში, რაც მის შვილს სჭირდება, ჩვენ ვერაფერს გავხდებით. ზოგადად, სკოლა მასწავლებლის, მოსწავლის და მშობლის ერთობლიობაა, რომელიც მთავარ მიზანს – მომავალი მოქალაქის სწორად აღზრდა-



ფორმირებას ემსახურება. დაწყებითი განათლების საფეხური აღზრდის ის საძირკველია, სადაც ერთი არასწორი შეცდომაც კი შეიძლება მთელი ცხოვრების თანმდევი იქცეს.“

მე-200 საჯარო სკოლა-პანსიონის სააღმზრდელო პროგრამის კოორდინატორმა, ქეთევან სტურუამ მადლობა გადაუხადა ღონისძიების ინიციატორებს და აღნიშნა, რომ პანსიონის აღსაზრდელებისთვის თანატოლთა თანადგომა, მათთან კომუნიკაცია, განსაკუთრებით მნიშვნელოვანია. თუმცა, ისიც დასძინა, რომ ეს ორმხრივად სასარგებლოა, რადგან, როცა ბავშვი პირველივე კლასიდან ეჩვენა თანადგომას, ის აუცილებლად ჰუმანურად აღიზრდება. „სკოლა „კანდიდის“ აღსაზრდელებმა დღეს ჩვენი ბავშვები ძალიან გაახარეს და სკოლაში წინასაახალწლო განწყობა შემოიტანეს, დიდი მადლობა მათ ამისთვის და ყველას ვულოცავ დამდეგ ახალ წელს.“

„მშობელთა კრების“ ფორმატიდან, თანდათანობით, თანამშრომლობაზე გადასვლა და მშობლების აქტიურად ჩართვა სასკოლო ცხოვრებაში მართლაც საშუალო საქმეა, თუმცა, არა მხოლოდ ღონისძიებებით. თანამშრომლობა კიდევ უფრო ეფექტური იქნება, თუკი სკოლა მშობლებთან სხვა კუთხითაც იმუშავებს – მოუსმენს მათ პრეტენზიებსა თუ მოსაზრებებს. თანამშრომლობის მთავარი მიზანაც ხომ ისეთი კეთილგანწყობილი სასკოლო გარემოს შექმნაა, როგორშიც ყველა მშობელს სურს, რომ მისმა შვილმა ისწავლოს. ამის არაერთი საერთაშორისო გამოცდილება არსებობს, საუკეთესო მაგალითებაც კი შეიძლება გამოვიყენოთ მილფორდის, ორჩად ჰილსის სკოლის გამოცდილება, რომელიც 2005 წლიდან დოქტორ ეფშტეინის მიდგომით მშობელთა ჩართულობის პროგრამის განხორციელებას გულისხმობს. ეს პროგრამა იმის საუკეთესო მოდელად შეიძლება მივიჩნიოთ, თუ როგორ შეიძლება პროგრამაში ჩაერთონ არა მხოლოდ მშობლები, არამედ მთელი საზოგადოება და ერთად იფიქრონ, როგორ დაეხმარონ სკოლას. საერთო ჯამში, ამ მაგალითმა საუკეთესო პრეცედენტი შექმნა – მშობელთა ჩართულობის გრძელვადიანი პროგრამების განხორციელების შედეგად, სკოლაში პოზიტიური უნარ-ჩვევების განვითარების გარდა, გარკვეულ საგნებში, მოსწავლეთა აკადემიური მოსწრებაც საგრძნობლად გაუმჯობესდა.

რა თქმა უნდა, მშობლებთან ურთიერთობა ძალიან დიდ ძალისხმევას მოითხოვს, მაგრამ სკოლის მხრიდან, ცდად ნამდვილად ღირს. რაც მთავარია, ბევრ სიკეთესთან ერთად, ჩართულობას ერთგვარი გადამდები ხასიათი აქვს და ამაში „კანდიდის“ სკოლის მაგალითმა დაგვარწმუნა.





გამოსდილა

ტრადიციები და ინოვაციები უსხოური ენების სწავლებისას

ტრადიციულ და თანამედროვე განათლების სისტემაში ცოდნისა და უნარ-ჩვევების გადმოცემის ძირითადი ფორმაა გაკვეთილი. გაკვეთილზე პედაგოგი იყენებს სხვადასხვა მეთოდს, მათი ნაწილი მიეკუთვნება ტრადიციულ მეთოდებს, მეორე ნაწილი კი – ინოვაციის. სწავლების ტრადიციული მეთოდების გამოყენების დროს მოსწავლე პასიურია, რომელსაც მასწავლებელი გადასცემს ცოდნას. ტრადიციულ სისტემას აქვს თავისი დადებითი და უარყოფითი მხარეები.

Table with 2 columns: დადებითი მხარეები, უარყოფითი მხარეები. Rows include: სწავლების სისტემატურობა, სასწავლო მასალის ლოგიკურად აწყობა და მინოდება, ორგანიზაციული სიზუსტე, პედაგოგი – სასწავლო პროცესის მთავარი მოქმედი პირი.

XXI საუკუნის დასაწყისში, განათლების სისტემაში აუცილებელი გახდა ტრადიციული ცვლილებების შეტანა. რეფორმა გარდაუვალი იყო რამდენიმე მიზეზის გამო: შეიცვალა დრო, დაინერგა პოსტინდუსტრიული საინფორმაციო ეპოქა, გაიზარდა ინფორმაციის ნაკადი. დროსთან ერთად მოსწავლეებს სხვა მოთხოვნები გაუჩნდათ. განათლების მიზანი გახდა მოსწავლის პროფესიული განვითარება, რათა მან შეძლოს რეალიზება პოსტინდუსტრიულ ეპოქაში.

მასწავლებელი დადგა კონკრეტული პრობლემის წინაშე. მოსწავლეს აღარ უნდა სწავლა მხოლოდ ტრადიციული მეთოდებითა და ხერხებით. აუცილებელი გახდა ახალი მეთოდების შემუშავება და მათი დანერგვა სასწავლო პროცესში. თანამედროვე გაკვეთილი, ეს არის მეცადინეობა, რომელიც აერთიანებს სხვადასხვა მეთოდს. თუ ტრადიციული სწავლების დროს გაკვეთილზე პედაგოგი იყო მთავარი მოქმედი პირი, თანამედროვე გაკვეთილი მასწავლებლის და მოსწავლეების ურთიერთთანამშრომლობით გამოირჩევა.

- გაკვეთილს არა აქვს კონკრეტული ჩარჩოები;
• პროგრამულ მასალასთან ერთად პედაგოგი იყენებს არაპროგრამულს;
• ჯგუფური და ინდივიდუალური მუშაობის თანაარსებობა;
• გაკვეთილზე პედაგოგი ხშირად იყენებს ვიზუალურ მასალას, ინფორმაციულ ტექნოლოგიებს;
• სწავლების პროცესი უფრო შემოქმედებითია.

რა თქმა უნდა, ზემოთ ჩამოთვლილი ფაქტორები დადებითად მოქმედებენ სასწავლო პროცესზე: მოსწავლე ინტერესით შედის გაკვეთილზე, რადგან გაკვეთილი ყოველთვის მრავალფეროვანია, იგი საგაკვეთილო პროცესის აქტიური მონაწილეა, აქვს საშუალება გამოაჩინოს საკუთარი ორიგინალობა და კრეატიულობა პრეზენტაციასა თუ პროექტში.

მნიშვნელოვანი ცვლილებები მოხდა რუსული ენის სწავლების პროცესშიც. XX საუკუნეში რუსულ ენას, როგორც უცხოურს, ასწავლიდნენ ევროპაში, ამერიკაში, აზიისა და აფრიკის რამდენიმე ქვეყანაში. ისწავლებოდა რუსული ენის გრამატიკა, თარგმანი რუსულიდან მშობლიურ ენაზე და პირიქით. გაგრძელებული იყო სწავლის პირდაპირი მეთოდი. ამ მეთოდით არის შედგენილი 1980 წლის რუსული ენის სახელმძღვანელო ქართველი სტუდენტებისთვის (ტ. ავლაძის, გ. გოლითიანის და ი. ჭოხონელიძის ავტორობით). მასში დანერგულია განხილვა რუსული ენის მორფოლოგია, წარმოდგენილია ბევრი სათარგმნი სავარჯიშო და ტექსტები რუსული კულტურის და ლიტერატურის შესახებ. რატომ შეიცვალა დღეს რუსული ენის სახელმძღვანელოს სტრუქტურა? პირველ რიგში, შეიცვალა სწავლების მეთოდი ყველა ქვეყანაში და მათ შორის, საქართველოშიც, სადაც რუსული ენა ისწავლება, როგორც უცხოური ენა. წინა პლანზე წამოიწია სწავლების კომუნიკაციურმა მეთოდმა, რომლის მიზანია სასწავლო მოსწავლეს სხვადასხვა პრობლემის თუ ამოცანის გადაჭრა უცხოურ (რუსულ ენაზე) ენაზე, თავისუფალი ურთიერთობა რუსული ენის მატარებელთან. კომუნიკაციური მეთოდი ხელს უწყობს თეორიული ცოდნის პრაქტიკაში გამოყენებას. ასე რომ, რუსული ენის ათვისება ხდება ბუნებრივი ურთიერთობის დროს. მასწავლებელი ამ კომუნიკაციის ორგანიზატორი და მონაწილეა, მოსწავლეებთან ერთად, მოსწავლეები კი მუდმივ მოქმედებაში არიან. ამ გზით მასწავლებელი აკმაყოფილებს სტანდარტის მოთხოვნას, მიმართულებით – „ლაპარაკი“. რუსული ენის სწავლების თანამედროვე პრაქტიკა გთავაზობს მუშაობას სხვადასხვა მიმართულებით: მოსმენა, წერა, კითხვა, ლაპარაკი, კულტურათა დიალოგი, მედიატია, მაგრამ უნდა აღინიშნოს, რომ ყველა ეს მიმართულება ემსახურება სწორედ საკომუნიკაციო უნარის განვითარებას. ერთ-ერთი თანამედროვე გრიფინიჭებული რუსული ენის სახელმძღვანელო, რომლის ავტორია მ. რევი, ამ ტენდენციის მაგალითია. ლექსიკური სავარჯიშოები ასწავლიან მოსწავლეებს შესიტყვებას, წინადადების შედგენასა და გამოყენებას. გრამატიკული მასალა კი ისეა შერჩეული, რომ მოსწავლემ ყველა შესწავლილი კონსტრუქტის ზეპირ მეტყველებაში გამოიყენოს. აუდიოსავარჯიშოებში, ძირითადად, გამოყენებულია დიალოგები, მონოლოგები საყოფაცხოვრებო თემებზე. ნასაკითხი მასალა თემატურად და უანრობრივად მრავალფეროვანია.

ზემოთ ჩამოთვლილი მიმართულებების წარმატებით განსახორციელებლად საჭიროა თანამედროვე და ტრადიციული მეთოდების გამოყენება. მეთოდი არის „პედაგოგიური საქმიანობის ხერხი“, რომლის დახმარებით პედაგოგი ახორციელებს თანამშრომლობას მოსწავლესთან, მოსწავლეების ჯგუფთან ან მთელ კლასთან. სწორად შერჩეული და გამოყენებული მეთოდები ეხმარება მოსწავლეს პროგრამის ათვისებასა და მიღებული ცოდნის გამოყენებაში. იმისათვის, რომ თანამედროვე სასწავლო პროცესი იყოს წარმატებული, მასწავლებლის მეთოდური კომპლექტის მალაღ დონეზე უნდა იყოს.

რა მეთოდების გამოყენება შეიძლება თანამედროვე რუსული ენის გაკვეთილზე? რა მიზანს ემსახურება და რა შედეგს ვაღწევთ მათი გამოყენებით? განვიხილავ რამდენიმე მათგანს.

გაკვეთილის საწყის ეტაპზე ჩემთვის მნიშვნელოვანია მოსწავლეების ყურადღების მოზიდვა და მოტივირება განსახილველი თემისადმი. ამ მიზნის მისაღწევად ვიყენებ „გონებრივი იერიშის“ ან „ასოციაციური რუკების“ მეთოდს. ეს თანამედროვე მეთოდი მაძლევს საშუალებას, გაკვეთილის დაწყებისთანავე, ჩავრთო მთელი კლასი სამუშაო პროცესში. გონებრივი იერიში კოლექტიური კრეატიული მეთოდია, რომლის მიზანია, რაც შეიძლება მეტი არასტანდარტული იდეის გამოთქმა და დაფიქსირება. მეთოდი მუშაობს იმის გარკვევაში, თუ რა ინფორმაციას ფლობენ მოსწავლეები კონკრეტულ თემაზე და დაკავშირებით. მსგავსი მუშაობის ფორმა ეფექტურია, რადგან მოსწავლეებს ეძლევათ თანაბარი უფლებები აზრის გამოხატვის პროცესში. ისინი ხედავენ დაფაზე დაწერილ მათ მიერ გამოთქმულ ფრაზებს, არ ეშინიათ მასწავლებლის კრიტიკის. მსგავსი მარტივი აქტივობა ხელს უწყობს ლექსიკური ცოდნის გამოვლენას და მოსწავლეს კომუნიკაციაში მონაწილეობის კომპლექსს უხსნის, რაც ძალიან მნიშვნელოვანია ზეპირი კომუნიკაციის განვითარებისთვის.

კიდევ ერთი მნიშვნელოვანი მეთოდია „როლური და სიმულაციური თამაში“. რა ფუნქცია აქვს თამაშს რუსული ენის გაკვეთილზე?

- 1. გასართობი ფუნქცია.
გაკვეთილი უფრო სახალისოა, იზრდება მოსწავლის მოტივაცია;
2. კომუნიკაციური.
მოსწავლე სწავლობს დიალოგურ ურთიერთობას.

ეს მეთოდი დადებითად მოქმედებს მოტივაციის ამაღლებაზე, ეხმარება მოსწავლეებს ნასწავლი ენობრივი კონსტრუქციების, ზეპირი მეტყველების გამოყენებაში. ასწავლის სხვადასხვა იმიტირებულ სიტუაციაში მონაწილეობას და პრობლემების გადაჭრას. მოცემული მეთოდი წარმოადგენს „სწავლას კეთებით“. როლური თამაში ერთ-ერთი ყველაზე ეფექტური მეთოდია, რადგან მოსწავლეს რუსული ენის პრაქტიკულ გამოყენებას ასწავლის, სასაუბრო გამოცდილებას აძლევს და არ არის ორიენტირებული ფრაზების მექანიკურ დაზეპირებაზე.

დღეს მოსწავლეს ხელში უჭირავს ფერადი, საინტერესო და სახალისო რუსული ენის სახელმძღვანელო. მასში უამრავი სურათია, კომიქსები, მოჰყვება სამუშაო რვეული და მოსამეინი დისკები. შეიცვალა სახელმძღვანელოს სტრუქტურა, თუმცა ბევრი ტრადიციული კომპონენტიც დარჩა, მაგალითად, მხატვრული ტექსტი, რომელიც მოსწავლეს აწვდის ინფორმაციას რუსულ კულტურასა და ტრადიციებზე. მსგავსი მიმართულებების ტექსტები ფართოდაა წარმოდგენილი რუსული ენის სახელმძღვანელოებში. ტექსტის ნაკითხვა, გაგება და გააზრება რთული პროცესია. მასწავლებლის მიზანი ისაა, რომ ტექსტის კითხვა მოსაწყენ აქტივობად არ იქცეს. კომუნიკაციური მეთოდი გთავაზობს ტექსტის კითხვის აქტიურ მეთოდებს. რამდენიმე მათგანზე გავამახვილებ ყურადღებას:

„კოლექტიური კითხვა“. ტექსტის კითხვა იწყება გაკვეთილის ცენტრალურ ნაწილში. მნიშვნელოვანია, რომ მოსწავლეებს გაუჩნდეს ინტერესი ტექსტისადმი. კოლექტიური კითხვის მეთოდი, ამ თვალსაზრისით, ძალიან ეფექტურია. მე ვკითხულობ ტექსტის პირველ წინადადებას, მოსწავლეები კი რიგრიგობით აგრძელებენ ტექსტს ლოგიკურად დაკავშირებული წინადადებებით. ამგვარად, კლასი მოცემული მოთხრობის საკუთარ ვერსიას ქმნის და, ბუნებრივია, ყველას უჩნდება ინტერესი თუ რა ხდება სინამდვილეში. შემდგომ ეტაპზე კლასი იწყებს ტექსტის დამუშავებას ტრადიციული და ინტერაქტიული მეთოდების გამოყენებით. ტექსტის კითხვითარგმნას თან ახლავს მეთოდი „კითხვა პაუზებით“, რომელიც კარგად ავითარებს კრიტიკულ აზროვნებას. „რამ განაპირობა გმირის ამგვარი ქმედება?“, „როგორ გაგრძელდება მოთხრობა?“... ეს მეთოდი ასწავლის მოსწავლეებს საკუთარი პოზიციის არგუმენტირებას, საკუთარი აზრის დაკავშირებას ტექსტის მინაარსთან. ტრადიციული და ინოვაციური მეთოდების შეხამება ხელს უწყობს ტექსტის დანერგვას დამუშავებას. მოსწავლეები გამოთქვამენ ვარაუდებს ტექსტის მინაარსთან დაკავშირებით, კითხულობენ და თარგმნიან ტექსტს. ამგვარად, მუშაობას, მიმართულებით „კითხვა“, კლასი კვლავ იწყებს კომუნიკაციით, რომელიც გრძელდება ტექსტის კითხვის დროს. ამ მეთოდის მიზანი და აზრი ისაა, რომ მოსწავლეები არა მხოლოდ კითხულობენ და თარგმნიან ტექსტს რუსულიდან ქართულ ენაზე, არამედ უსმენენ ერთმანეთს, გამოთქვამენ საკუთარ ვარაუდებს. ტრადიციული მეთოდისგან განსხვავებით (კითხვითარგმნა), თანამედროვე მეთოდის დახმარებით, ტექსტის კითხვაში ჩართულია მთელი კლასი.

ასევე, ტექსტის გარჩევის დროს, დადებითი ეფექტი აქვს „ვენის დიაგრამას“. ეს მეთოდი განსაკუთრებით კარგ შედეგს მაძლევს, როდესაც ვმუშაობ მიმართულებით „კულტურათა დიალოგი“. რუსულ და ქართულ ტრადიციებს შორის არის ბევრი მსგავსება და განსხვავებაც, რაც ყოველთვის საინტერესოა მოსწავლეებისთვის. გაკვეთილზე მსგავსი დიაგრამის შევსება მათთვის საინტერესოა და სახალისო. ამ აქტივობით ეცნობიან უცხო ქვეყნის კულტურას და პოულობენ საერთო ქართულ კულტურასთან. ვენის დიაგრამასაც აქვს საკომუნიკაციო დატვირთვა: მუშაობის პროცესში მოსწავლეები აფიქსირებენ საკუთარ აზრს, გამოთქვამენ ვარაუდებს. ინტერაქტიულ მეთოდებს შორის დიდი ადგილი უკავია პროექტებს და პრეზენტაციებს. რუსული ენის გაკვეთილზე მიზანშეწონილია ორივე აქტივობის ხშირი გამოყენება, რადგან პროექტიც და პრეზენტაციაც შემოქმედებითი მიმართულებაა, რომელიც ხელს უწყობს კითხვის, წერის, მოსმენის, პრეზენტაციის უნარის განვითარებას. ეს აქტივობები პასუხობენ ინტერაქტიული მეთოდის მოთხოვნებს: მოსწავლე აქტიურადაა ჩაბმული საგაკვეთილო პროცესში, არის შემოქმედებითი და მოტივირებული. პროექტზე მუშაობისა და პრეზენტაციის დროს მნიშვნელოვანია რამდენიმე ეტაპის გაგება. ამ ეტაპებს ჩვენ განვიხილავთ კონკრეტულ მაგალითზე, რომელიც შევთავაზებ ჩემს მოსწავლეებს პროექტის სახით „თბილისის რუსული თეატრი“.

Table with 4 columns: პროექტზე მუშაობის სტადია, ნაშრომის შინაარსი კონკრეტულ სტადიაზე, მოსწავლეების აქტივობა, მასწავლებლის აქტივობა. Rows include: მომზადება, დაგეგმვა, კვლევა და მუშაობის შედეგი, გაკეთება, პრეზენტაცია, შეფასება.

სწავლების პროცესი, რომელიც ეყრდნობა სწავლების ინტერაქტიულ მეთოდს, გულისხმობს მთელი კლასის ჩართულობას. ამ მიზნის მისაღწევად ძალიან ეფექტურია ჯგუფური მუშაობა, რომელიც უნდა გამოიყენოს ყველა წევრის ინდივიდუალური მეთოდი, ისევე ჯგუფური. მუშაობის ჯგუფური ფორმა, მოსწავლეებს შორის, ქმნის გარკვეულ საგანმანათლებლო გარემოს, სადაც ყველა წევრი ურთიერთმოქმედებდა. აქ გროვდება ცოდნა კონკრეტულ საკითხთან დაკავშირებით, ხდება ურთიერთმეფასება. ჯგუფური მეთოდის უპირატესობა რუსული ენის გაკვეთილზე ისაა, რომ მოსწავლეები მუშაობენ ერთად და ასწავლიან ერთმანეთს, უზიარებენ საკუთარ გამოცდილებას, ერთად ეძებენ საუკეთესო გამოსავალს.

ბოლოს დავამატებდი, რომ ენის შესწავლის საუკეთესო ხერხად მიმაჩნია სხვადასხვა მეთოდის – როგორც ტრადიციული, ასევე თანამედროვე – გააზრებული ურთიერთკავშირი.

იულია ტარ-მიძაპლიანი
ვლადიმერ კომაროვის თბილისის ფიზიკა-მათემატიკის 199-ე საჯარო სკოლის რუსული ენისა და ლიტერატურის მასწავლებელი

- გამოყენებული ლიტერატურა:
1. ტ. ავლაძე, გ. გოლითიანი, ი. ჭოხონელიძე, „რუსული ენა“; თბილისი, 1980წ.
2. მ. რევი, „რუსული ენა“ ს 2-ს 7; თბილისი, 2012წ.
3. ლ. ლარიონოვა, „რუსული ენის სწავლების მეთოდიკა“; მოსკოვი, 2010წ.



სამოქალაქო გაკვეთილი

ქალაქი ადამიანის მეგობარია

გაკვეთილის გეგმა VI კლასში ძარბაზი ენა და ლიტერატურაში

Table with 2 columns: Topic (გაკვეთილის აგტორი, თემა, სწავლების საფეხური/საგანი, მოსწავლეთა რაოდენობა, აქტივობების მიზნები, წინარე ცოდნა, მისალწვევი შედეგები) and Content (ქართული ენისა და ლიტერატურის მასწავლებელი - შორენა გვენეტაძე, ძალი ადამიანის მეგობარია - „გულადი მებრძოლი“, დანწყობითი VI კლასი/ქართული ენა და ლიტერატურა, 16 მოსწავლე, შედგენილი ნაკითხული ტექსტის გაგება-გააზრება კითხვის სტრატეგიების, ლექსიკური მარაგის გამდიდრება, მიღებული ინფორმაცია და ცოდნა გამოიყენონ ზეპირ და წერიტ აქტივობებში, იციან მხატვრული ტექსტის სტრუქტურა, გამოიყენებენ აქვთ ტექსტის გაგება-გააზრებისათვის საჭირო უნარები, ფლობენ ტექსტის შინაარსის გასაგებად საკმარის ლექსიკურ ერთეულებს, ქართ. VI. 2. მოსწავლეს აქვს მხატვრული ტექსტის გააზრებისათვის არსებითი მნიშვნელობის მქონე დეტალების შეფასების უნარი. შედეგი თვალსაჩინოა, თუ მოსწავლე: ასახელებს მისთვის აზრობრივი და მხატვრული თვალსაზრისით მნიშვნელოვან ეპიზოდებს, გამოიხატება და ახდენს მათ ინტერპრტირებას; აფასებს პერსონაჟების ქმედებას კონფლიქტურ, წინააღმდეგობრივი ხასიათის მქონე ეპიზოდებში; მსჯელობს ნაწარმოებში განვითარებულ მოვლენებზე სხვადასხვა პერსონაჟის პოზიციიდან; მსჯელობს ტექსტში გამოკვეთილ ცალკეულ მოვლენებსა და ფაქტებს შორის მიზეზ-შედეგობრივ კავშირზე; ირჩევს ტექსტში ასახული კონკრეტული პრობლემის გადაჭრისათვის შეთავაზებულ ალტერნატიულ ვარიანტებს შორის, მისი თვალსაზრისით, საუკეთესოს; სთავაზობს აუდიტორიას ნაწარმოებში გამოკვეთილი კონკრეტული პრობლემის გადაჭრის საკუთარ ვერსიას. ქართ. VI. 10. მოსწავლეს აქვს კითხვის პროცესით გამოწვეული განწყობილებისა და შთაბეჭდილების გადმოცემის უნარი. შედეგი თვალსაჩინოა, თუ მოსწავლე: ამოკრებს ტექსტიდან აზრობრივი თვალსაზრისით მისთვის მნიშვნელოვან და საინტერესო ადგილებს; სვამს კითხვებს ნაკითხული ტექსტის უკეთ გააზრების მიზნით. ქართ. VI. 13. მოსწავლეს შეუძლია კითხვის სხვადასხვა სტრატეგიის მიზნობრივად გამოყენება. შედეგი თვალსაჩინოა, თუ მოსწავლე: კითხვისას ნამოჭრილი სირთულეების დასაძლევად მიმართავს სხვადასხვა საშუალებას: თავიდან გადაიკითხავს რთულ ან მნიშვნელოვან ნაწილებს, აკეთებს ჩანაწერებს, კომენტარებს უკეთებს ტექსტის ცალკეულ ნაწილებს; კონტექსტზე, გამოცდილებაზე დაყრდნობით ან ლექსიკონის დახმარებით აზუსტებს უცხო სიტყვების მნიშვნელობას; სხვადასხვა ელემენტის (სათაურის, აბზაცების დასაწყისის, საკვანძო სიტყვების, ერთ-ერთი აბზაცის, გამოყოფილი სიტყვების) გამოყენებით გამოთქვამს ვარაუდს ტექსტის/ტექსტების მონაკვეთის შინაარსის შესახებ; ანალიზებს თანატოლების მიერ შესრულებულ საკითხავ დავალებებს - განარჩევს სწორ და მცდარ პასუხებს; ხსნის, რატომ ვერ გასცა მოსწავლემ სწორად პასუხი, რა ვერ გაიგო, რატომ შეცდა იგი და სხვ. ქართ. VI. 14. მოსწავლეს შეუძლია პიროვნული და შემოქმედებითი გამოცდილების გამოყენება წერის პროცესში; აქვს მხატვრული წარმოსახვის უნარი. შედეგი თვალსაჩინოა, თუ მოსწავლე: სწორად აგებს ტექსტს კომპოზიციის ელემენტების გამოყენებით; აკეთებს მოკლე წერილობით კომენტარს მისთვის მხატვრულად და აზრობრივად საინტერესო მონაკვეთების შესახებ; საკუთარი განცდის, შთაბეჭდილების გადმოსაცემად ირჩევს მისთვის სასურველ მხატვრულ ფორმას; ქმნის მისთვის აზრობრივად საინტერესო ეპიზოდის გაგრძელებისა და დასასრულის საკუთარ ვარიანტს. ქართ. VI. 15. მოსწავლეს შეუძლია სხვადასხვა სახის მიზნობრივი ტექსტის დამოუკიდებლად შექმნა. შედეგი თვალსაჩინოა, თუ მოსწავლე: ავლენს ფაქტისადმი (მოვლენისადმი) საკუთარ დამოკიდებულებას; ახერხებს მის ემოციურ შეფასებას შესაფერისად შერჩეული ლექსიკური და გრამატიკული საშუალებების გამოყენებით; საჭირო ენობრივი მასალის მოსაძიებლად იყენებს სხვადასხვა დამხმარე საშუალებას (სინონიმურ განმარტებებს, სიტყვათშეთანხმებებს, მყარ სიტყვებებს, ფრაზეოლოგიზმებს; მუშაობს ლექსიკონზე...); მიზნისა და ადრესატის გათვალისწინებით, წინასწარ ამზადებს და თხზავს სხვადასხვა ტიპის მიძღვნიტ ტექსტებს (ამა თუ იმ თარიღთან დაკავშირებით წარმოსათქმელ სიტყვას, მეგობრისადმი მიძღვნილ სახუმარო ტექსტს, შარჟსა და სხვ.). თანმიმდევრობა და დრო აქტივობა 1 - 2წთ. პირველი ფაზა-შემზადება ტექსტთან სამუშაოდ: მასწავლებელი პროექტორით აჩვენებს სურათს, რომელზედაც გამოსახულია ძალი და კლასს უსვამს შეკითხვებს: რას ხედავთ სურათზე? ჰყავთ თუ არა მინ ძალი? მეგობრობენ თუ არა მასთან? დაფაზე ვიზუალური ეფექტისთვის აკრავს ძალის სურათს. აქტივობა 2 - 3წთ. მასწავლებელი მოსწავლეებს სთხოვს, თავიანთი საყვარელი ძალი დაახასიათონ ათწინადადებიანი ტექსტით. აქტივობა 3 - 2წთ. რამდენიმე მოსწავლე (2-3) აკეთებს დაწერილი წერიტი აქტივობის პრეზენტაციას. მასწავლებელი განმავითარებელ შეფასებას აძლევს მოსწავლეებს და, ამავდროულად, ნაახალისებს მათ მონდომებას.

Table with 3 columns: Topic (თანმიმდევრობა და დრო, შეფასება ფორმა - განმავითარებელი, საკლასო მენეჯმენტი და საგანმანათლებლო რესურსები) and Content (აქტივობა 4 - 1წთ. მასწავლებელი დაფაზე აკრავს გაკვეთილის თემასა და მიზანს, გაცნობს მათ შეფასების რუბრიკას (დანართი 1). აქტივობა 5 - 2წთ. მასწავლებელი არკვევს, იციან თუ არა სიტყვის „გულადი“ განმარტება, აესებენ დაფაზე სიტყვის პირამიდას. ამ სიტყვის გამოყენებით შეადგენენ წინადადებას (დანართი 2). აქტივობა 6 - 2წთ. მოსწავლეებს ყოფს ჯგუფებად: წინასწარ დამზადებულ სამ ყუთში (რომლებზეც დაკრული აქვს ძალის ლამაზი სურათები) ჩანყოფილია მოსწავლეთა სახელები. მასწავლებელი იძახებს ჯგუფის ერთ-ერთ მოსწავლეს, რომელიც მასწავლებლის მაგიდიდან იღებს ყუთს, ხსნის და კითხულობს მოსწავლეთა სახელებს, მოსწავლეები პირველი ჯგუფიდან სხდებიან პირველ ჯგუფში, მეორეები - მეორეში და ა.შ. აქტივობა 7 - 2წთ. მასწავლებელი მოსწავლეებს უჩვენებს ადაპტირებულ ტექსტს და სთხოვს გამოთქვან ვარაუდს: რა სახის ტექსტი გვაქვს ხელთ? რით განსხვავდება მხატვრული ტექსტი და საინფორმაციო ტექსტი ერთმანეთისაგან? აქტივობა 8 - 3წთ. მოსწავლეებს წყვილებში ურიგებს წასაკითხად ტექსტს და სთხოვს წაკითხონ მეთოდით „დაუსვი შენს თავს შეკითხვები“. გაცნობს პოსტერს და ასევე მათ ეგზემპლარებს დაურიგებს ჯგუფებს. წაკითხვამდე აკეთებს კითხვის მოდელირებას. კითხულობს ტექსტის ერთ მონაკვეთს მოსწავლესთან ერთად. აქტივობა 9 - 8წთ. მოსწავლეები კითხულობენ ტექსტს წყვილებში, ხაზავენ გაუგებარ სიტყვებსა და ფრაზებს, რომლის მნიშვნელობის დაზუსტებაშიც მასწავლებელი ეხმარებათ ექსპლიციტური მეთოდით, კონტექსტის დახმარებით ან სინონიმებისა და ანტონიმების მნიშვნელობით. დასახმარებლად მოსწავლეები მასწავლებელს მიიხმობენ შუქნიშნის ფერების საშუალებით. აქტივობა 10 - 6წთ. წყვილებში წაკითხვის შემდეგ მოსწავლეები ჯგუფებში შეაჯერებენ მიღებულ ინფორმაციას და შეავსებენ ცხრილს „ხუთი შეკითხვა“ ვინ/რა? სად? რას შევება?/რა ქნა? როდის? რატომ? მუშაობის დაწყებამდე აკეთებს ცხრილის შევსების მოდელირებას ფორმატის ფურცელზე. აქტივობა 11 - 4წთ. ჯგუფები მუშაობის დასრულებას მასწავლებელს ამცნობენ მწვანე ბარათით, დაფაზე აკრავენ ნაშრომებს და აკეთებენ პრეზენტაციას. მასწავლებელი მოსწავლეებს უსვამს ისეთ კითხვებს, რომელიც დაეხმარება მათ ტექსტის გააზრებაში და სწორი დასკვნების გამოტანაში. მუშაობის დასრულების შემდეგ მასწავლებელი ჯგუფების მუშაობას აფასებს რუბრიკის მიხედვით. აქტივობა 12 - 3წთ. მასწავლებელი მოსწავლეებს სთხოვს, ინდივიდუალურად, ძალზე დაწერილ ხუთსტროფიანი ლექსი (პირველ სტრიქონზე წერს თემასთან დაკავშირებულ ერთ არსებით სახელს, მეორე სტრიქონზე - ორ ზედსართავ სახელს, მესამეზე - სამ ზმნას, მეოთხეზე ოთხსიტყვიან ფრაზას, ხოლო მეხუთეზე - წერს სიტყვას, რომელიც შეიძლება გამოხატავდეს ლექსის იდეას). აქტივობა 13 - 2წთ. რამდენიმე მოსწავლე კითხულობს საკუთარ ლექსს კლასის წინაშე. მასწავლებელი შეაქვს ავტორებს, მოუწონებს მათ გრამატიკული ცოდნის ადეკვატურ გამოყენებას. აქტივობა 14 - 2 წთ. მოსწავლეები აესებენ გასასვლელ ბარათებს, რომელიც შედგენილია რამდენიმე ვარიანტად; ინდივიდუალურად პასუხობენ მასწავლებლის მიერ დასმულ კითხვებს და ტოვებენ მასწავლებლის მაგიდაზე. მასწავლებელი ეუბნება მოსწავლეებს, რომ მომდევნო გაკვეთილზე მიიღებენ უკუკავშირის შესრულებული დავალების შესახებ (დანართი 4). აქტივობა 15 - 2წთ. საშინაო დავალებად აძლევს გამოიყენონ წერის სტრატეგია „რაფთი“ და დაწერონ: 1. განცხადება, რომ ეძებენ დაკარგულ ძალს. 2. მიწერენ წერილს მეგობარს და დაუხასიათებენ თავიანთი საყვარელ ცხოველს. 3. ძალსაშენის დირექტია აკეთებს სარეკლამო განცხადებას, მათი მიზანია, ძალს უშოვონ პატრონები. მოსწავლეები თავად აირჩევენ დავალების ტიპს და დაწერენ მომდევნო გაკვეთილისათვის. აქტივობა 16 - 1წთ. გაკვეთილის შეჯამება/შეფასება. მასწავლებელი აფასებს მოსწავლეებს რუბრიკის მიხედვით. მოსწავლეები აფასებენ გაკვეთილს. ასახელებენ აქტივობას, რომელიც ყველაზე მატად მოეწონათ. შეფასება ფორმა - განმავითარებელი ზეპირი კომენტარები • ნაკითხული ტექსტის გაგება-გააზრების უნარი. • ლექსიკური მარაგის საჭიროებისამებრ გამოყენების უნარი. • მიღებული ინფორმაციისა და ცოდნის გამოყენების უნარი ზეპირ და წერიტ აქტივობებში. საკლასო მენეჯმენტი და საგანმანათლებლო რესურსები ჯგუფებში, წყვილებში და ინდივიდუალური მუშაობა. შერჩეული მხატვრული ტექსტი G-PRID-ის საკითხავი ნიგნი „გულადი მებრძოლი“ ლიზა თრომბაურის მოთხრობა, პოსტერი „დაუსვი შენს თავს შეკითხვები“, პოსტერი „ხუთი კითხვა“ კომპიუტერი, პროექტორი, თაბახის ფურცლები, დაფა, ცარიტი. მეთოდები და სქემები აღებულია G-PriEd-ის პროექტიდან. მოსწავლის გვარი და სახელი (შეიძლება დავაკვირდეთ კლასის რამდენიმე მოსწავლეს) მოსწავლეს შეუძლია დამოუკიდებლად მხატვრული ტექსტის გაგება-გააზრება. ტექსტს იაზრებს დონების მიხედვით დასმული კითხვებით. მოსწავლეს აქვს საკმარისი ლექსიკური მარაგი ტექსტის გასააზრებლად. უცხო სიტყვების ახსნას ცდილობს კონტექსტის მიხედვით.

დანართი 1.




სამოღელო გაკვეთილი

Table with 4 columns: მოსწავლის გვარი და სახელი, მოსწავლეს შეუძლია, მეტყველებს გარკვევით და მკაფიოდ, მსჯელობისა და ანალიზის საფუძველზე დაყრდნობით გამოაქვს დასკვნები.

დანართი 2.

ჯგუფური მუშაობის შეფასების რუბრიკა

Table with 4 columns: კრიტერიუმი, საშუალო 5-6, კარგი 7-8, საუკეთესო 9-10. Rows include: ჯგუფის მიერ სამუშაოს გაგება, ჯგუფის მიერ სამუშაოს დაგეგმვა, სამუშაოს ორგანიზება, ჩართულობა.



დანართი 3.

დანართი 4. ქვიზი

- 1. რას ნიშნავს სიტყვა გულადი? ა) მამაცს ბ) ერთგულს გ) ბოროტს...
2. რა არ უყვარდა სანდროს? ა) კატები ბ) ძაღლები გ) ქათმები...
3. რატომ ეშინოდა სანდროს ძაღლების? რა მოუყვანა მამამ სანდროს?
4. რა ჯიშის ძაღლი მოუყვანა მამამ სანდროს?
5. რისთვის წავიდა მამა-შვილი რიონზე?
6. რითი შეაშინა დათვი სანდროს მამამ?
7. რას/ვის მკურნალობს ვეტერინარი?
8. რატომ დაარქვა სანდრომ ძაღლს გულადი?
9. რისთვის წავიდა მამა-შვილი რიონზე?

რა გამოვიდა ტყიდან თევზის სუნზე? ა) მგელი ბ) აფთარი გ) დათვი რა გააკეთა ძაღლმა ცხოველის დანახვაზე?

მისწერე მეგობარს წერილი და უამბე შენს საყვარელ ძაღლზე

ძაღლსაშენის დირექციის სარეკლამო განცხადება (შეიძლება დახატოთ ძაღლი, რომლისთვისაც ეძებთ პატრონს) დანერეთ განცხადება დაკარგულ ძაღლზე

ადაპტირებული ტექსტი

გულადი მებრძოლი

ერთ მშვენიერ საღამოს, ვახშობისას, მშობლებმა სანდროს გამოუცხადეს, ერთი წლით ზემო რაჭაში გადავიდნენ საცხოვრებლად. სოფელ სევაში, მდინარე რიონის მახლობლად, ბაბუას მიერ ხუთი წლის წინ გაშენებულმა ვენახმა იხარა. ბაბუამ ვენახის პირას სასტუმროც გახსნა და ოჯახიც იძულებული იყო, დახმარებოდა მოუსვენარ ხანშიშესულ კაცს.



სანდრო შეცბა. თბილისში ყველაფერი უყვარდა, რაჭაში კი რა მოელოდა, არავინ იცოდა. სოფელში სამზარეულოს ფანჯრიდან რაჭის მთებსა და ტყეს გასცქეროდა. მამის ერთი ახირება გუნებას კიდევ უფრო უმძიმებდა. მას ძაღლის ყოლა უნდოდა. სანდროს კი ძალიან ეშინოდა ძაღლების.
პატარა იყო, როცა ეს ამბავი მოხდა. მისი ოჯახი ლისის ტბაზე იყო პიკნიკზე. მწვანდ შექცეულდნენ, სუნზე გერმანული ნაგაზი გამოჩნდა. სანდრომ ხორცი გადაუგდო. მეორე ნაჭრის გადაგდება ვერც კი მოასწრო, ძაღლი ეცა და მკლავეზე უკბინა. ეს დღე მწარედ დაამახსოვრდა და ძაღლებიც საბოლოოდ შეიძულა. მამა ფიქრობდა, რომ ძაღლის მოყვანით დაეხმარებოდა შვილს ძაღლების მიმართ შიშის დაძლევაში.
ერთხელაც მამამ ეზოში მანქანა შემოაყენა, კარი ღიმილით გამოაღო და მანქანიდან გადმოხტა ციმბირული ჰასკი. სანდრო ამრეზით უცქერდა ძაღლის ყინულივით ლურჯ თვალებს. ციმბირული ჰასკი ქვიზიანი ძაღლია, - უთხრა მამამ სანდროს, მაგრამ იგი ძაღლს არ ეკარებოდა. რამდენიმე კვირა გავიდა, ძაღლს სახელიც კი არ ერქვა.
- მოდი, კარგად გაიცანი და სახელი მერე შეურჩიე. ჯერ დაამტკიცოს, რომ შენთან მეგობრობა შეუძლია და სახელსაც უფრო ადვილად შეურჩიე, - უთხრა მამამ.
მეორე დღეს, დილაადრიან, სანდრო და მამა მანქანით მდინარეზე სათევზაოდ წავიდნენ. იმედი ჰქონდათ, რამდენიმე დღე კალმახს დაიჭერდნენ.
სანდროს არც თევზაობა ებიძგებოდა და არც ძაღლთან ერთად გასეირნება მოსწონდა. თბილისზე და იქაურ მეგობრებზე ფიქრობდა.
იმ საღამოს, ვახშობის შემდეგ, როდესაც სანდრო და მამამისი კარავს შლიდნენ, ძაღლი მიეტმანა. სანდროს შეეშინდა და უკან გახტა.
- ნუ გეშინია, უთხრა მამამ, გინდა გაჩვენო, ძაღლთან როგორ მიხვიდე? ძაღლმა ხელზე უნდა დაგყნოსოს, რომ შენი სუნი აიღოს. მამამ აჩვენა როგორ უნდა გაეკეთებინა ეს. ძაღლი მეგობრულად ეალერსებოდა მამას.
სანდრომაც სცადა ძაღლთან მიახლოება, მაგრამ, როცა ძაღლის ბასრ კბილებს და მოვარდისფრო ენას უყურებდა, მიახლოებას ვერ ბედავდა, თუმცა იმას კი გრძობდა, რომ ძაღლი კეთილგანწყობილი იყო მის მიმართ.
მეორე დღეს, სისხამ დილით, სანდრო და მამამისი მდინარეზე სათევზაოდ ჩავიდნენ. ძაღლი მათ წინ მირობდა, მისმა ცელქობამ სანდროც გაამხიარულა.
სანდრო აკვირდებოდა ძაღლს და გრძობდა, რომ ის მართლაც საყვარელი არსება იყო. უკვე აღარ ეშინოდა მისი. ძაღლი ეთამაშებოდა, გადაგდებულ საგნებს მასთან მოარბენინებდა. სანდროს აშკარად მოსწონდა ეს ძაღლი.
როგორც კი რიონს მიუახლოვდნენ, ძაღლი მაშინვე წყალში ჩახტა და თათებით ცდილობდა თევზების დაჭერას. მამა-შვილს ეცინებოდა. ძაღლმა ტანი გაიბერტყა და მათ წყლის წვეთები შეაფრქვია. სანდროს უნდოდა მიჰფერებოდა, მაგრამ კვლავ შიშმა აიტანა.
ითევზავეს. თევზი შეწვეს. სანდრო კმაყოფილი იყო. გემრიელი კალმახით დანაყრებული, სასიამოვნო ამინდით და არაჩვეულებრივი ბუნებით მოხიბლული სანდრო მამას თავის ალტაცებას უზიარებდა. უეცრად საღამოს მყუდროება ძაღლის ხავილნარეგმა ყვეფამ დაარღვია. იგი ტყისკენ იტყირებოდა. მამა-შვილმა ძაღლის მზერას თვალი გააყოლა და სული შეეკრა. ტყიდან დიდი ყავისფერი დათვი გამოვიდა და მათკენ წამოაჯახა.
- ალბათ შემწვარი თევზის სუნი იყოს, - ჩაიურჩულა მამამ და შვილისკენ გაჩოჩდა, თან სამ-გზავრო ტომარაში იქექებოდა.
დათვი საჭმლის ნარჩენებისკენ დაიძრა და ამ დროს ადამიანის სუნი ეცა. ახლა პირდაპირ სანდროს და მამამისს უყურებდა. რამდენიმე ნაბიჯით ადამიანებს მიუახლოვდა. ძაღლის ღრენა გააფთვებულმა ყვეფამ შეცვალა. სანამ დათვი ადამიანებს მიუახლოვდებოდა, ის სწრაფი ნახტომით დაესხა თავს. დათვი და ძაღლი ერთმანეთს ებრძოდა. ამასობაში სანდროს მამამ თოფი გადატენა და გაისროლა, დათვი სწრაფად წამოხტა და ტყისკენ გაძუნძულდა.
ძაღლი უძრავად იწვა მიწაზე, მამამ ჭრილობები გაუსინჯა. სანდროს ძალიან ებრალებოდა იგი.
- მგონი სუნთქავს, თქვა მამამ, - სასწრაფოდ ექიმთან უნდა წავიყვანოთ.
- ჩვენ გვიცავდა, - თქვა სანდრომ.
მანქანაში თავისი საბანი დააფინა, მამამ ძაღლი ზედ დააწინა. სანდრომ საძილე ტომარა დააფარა და გვერდით მიუჯდა. მამას ერთი ვეტერინარი ეგულებოდა სოფელში. მის სახლამდე მისვლას ერთი საათი მოუწევდა. სანდრო მთელი გზა ეფერებოდა ძაღლს, სულ თვალწინ უტრიალებდა როგორ იხსნა ძაღლმა ისინი.
ვეტერინარმა გულდასმით გასინჯა ძაღლი და სანდრო დაიბნედა, შენი მეგობარი გადარჩებო. ექიმმა ძაღლის სახელი ჰკითხა ბიჭს. მამას უნდოდა ეთქვა, ძაღლს სახელი არა აქვსო, მაგრამ სანდრომ დაასწრო: „გულადი“ - წამოიძახა ბიჭმა.
- „გულადი“, - გაიმეორა ექიმმა. რაც თქვენ მიამბეთ, ეს სახელი მართლაც რომ შეეფერება ამ ძაღლს, რომელიც დათვს შეებრძოლა თქვენს გადასარჩენად.
დასუსტებული ძაღლი უძრავად იწვა და თავი სანდროს მუხლებზე ედო. დროდადრო ახედავდა სანდროს ზაფხულის ცასავით თბილი თვალებით.
ჩვენ გამო დათვს შეებრძოლა! - უთხრა სანდრომ მამას. - მისი აღარასოდეს შეგეშინდება.

შორენა გვინაძე

სსიპ თერჯოლის მუნიციპალიტეტის სოფელ ზედა სიმონეთის საჯარო სკოლის ქართული ენისა და ლიტერატურის უფროსი მასწავლებელი და ფასილიტატორი



კვლევათა დასახარება

# მეტყველების განვითარება

მიღებულია ორგანიზაციის განვითარება: ზეპირი მეტყველება ანუ ზეპირმეტყველება და წერილობითი მეტყველება. მაგრამ ეს ორი არაა საკმარისი. ისინი კომუნიკაციური თეორიების ჩარჩოებში გამოკვეთილი. უნდა დამატდეს მესამე – გონებაში მეტყველება. როგორც პირველი და მეორე ზოგი რამით ერთმანეთს ჰკავს, ზოგით კი განსხვავდება, ისე მესამეც ზოგი რამით ჰკავს პირველს ან მეორეს, მაგრამ მრავალი მახასიათებელი იმდენად განსხვავდება მათგან, რომ ცალკე უნდა გამოიკვეთოს. მისი მთავარი თავისებურება ისაა, რომ ხშირად ფარულად და შეუქმნულად მიმდინარეობს – ფსიქოლოგიური გამოკვლევები აჩვენებს: მრავალი ისეთი საზოგადოებრივი ამოცანა, რომლებშიც თითქმის არ მონაწილეობს მეტყველება. ისინი ბავშვისათვის ძნელია, რადგან მათი ამოხსნა მოითხოვს არა გაშლილ და გამოთქმულ, არამედ ფარულ და შეუქმნულ მეტყველებას; თავისთავად მეტყველება კი მაინც ვერ გამოირიცხება. ამასვე ჰკავს მეტყველება სიზმარში.

გონებაში მეტყველება განსაკუთრებით მნიშვნელოვანია დასავლეთ კლასებში გრამატიკის სწავლებისას, რადგან გრამატიკული საკითხების, ცნებებისა თუ ამოცანების გააზრება (სწორედ გააზრება და არა მიხედვით), როგორც წესი, სწორედ მისი საშუალებით ხდება. გონებაში მეტყველების განვითარების ალბათ ერთადერთი გზა – ესაა ზეპირი მეტყველების თანდათანობითი განვითარება. ამას კი, თავის მხრივ, უნდა დაემყაროს წერილობითი მეტყველება. ესე იგი: მეტყველებათა განვითარების ბუნებრივი გზის სქემა



უფრო მეტიც, როგორც აჩვენა სპეციალურმა აპარატურამ, ზრდასრული ადამიანიც კი გონებაში აზროვნების დროს თითქმის ბუტბუტულს – მისი სახმო სიმები თურმე ოდნავ მაინც ირხევა! ზოგს კი აზრის ჩამოყალიბებაში ძალიან ეხმარება მისი ხმადაცხადი წარმოთქმა, საკუთარ თავთან საუბარი (ამაზე კარგი ხუმრობაა – „მიყვარს ჭკვიან ადამიანებთან საუბარი“).

ეს ყოველივე განსაკუთრებით საჭიროა დასავლეთ კლასებში, ყველაზე მეტად კი I კლასის პირველ თვეებში. ამ დროს მცდარი მეთოდებით სწავლებისას საფუძველი ეყრება არა ბავშვის გონების განვითარებას, არამედ, პირიქით, მის დაჩუქვებას. მაგ; ფრიად გავრცელებულია სქოლასტიკური ზეპირობა ან ასაკობრივად შესუბამი სიტყვების რახარუბი, წერისა და უცხო ენის შესწავლის ნაადრევი დაწყება.

სქემიდან ჩანს, რომ ყოველგვარი მეტყველებისა და აზროვნების პირველსაფუძველია ზეპირი მეტყველება. ცხადია, ესაა მეტყველება მშობლიურ ენაზე. სწორედ ამიტომ ანიჭებდნენ პედაგოგიკის კლასიკოსები უპირველეს მნიშვნელობას მშობლიური ენის სწავლებას. თუკი ბავშვის გონებაში არ გაიარა სქემაზე გამოსახული ბუნებრივი გზა, იგი ვერ განვითარდება. კერძოდ, I კლასის ასაკში, როცა არაა ჩამოყალიბებული გონებით მეტყველება, თუკი ბავშვი არ მეტყველებს (ხმადაცხადი არ ჩუმად) და არც ბუტბუტულს – ის არ აზროვნებს. თუკი ეს უაზროვნო მდგომარეობა გახანგრძლივდება (როცა გასაუხელი პირველკურსელები წერენ ან მასწავლებელს შესციცინებენ, ან გაუაზრებელ ფრაზებს იმეორებენ, ან „თანამედროვე მეთოდებით“, მშობლიური ენისა და მათემატიკის გაკვეთილებზეც ძირითადად მხოლოდ ჯგუფური ხატვა-გამოჭრა-თამაშებით არიან დაკავებული), მაშინ იწყება აზროვნების ატროფირება. მაგრამ მოსწავლის ჩუმი მეტყველების ან ბუტბუტის შესწორება და დახვეწა შეუძლებელია. ამიტომ მოსწავლემ სწორედ ხმადაცხადი უნდა იმეტყველოს და მასწავლებელმა ისე და ისე, დაუღალავად, უნდა შეუფხოს, შეუხსნოს, დაუხვეწოს ნათქვამი, მოსწავლემ კი აუცილებლად ისევე ხმადაცხად უნდა გაიმეოროს (სხვათა შორის, ესაა აგრეთვე უცხო ენის სწავლების ერთადერთი ნაყოფიერი გზაც). აგრეთვე აუცილებელია ისიც, რომ, როცა მოსწავლე დაფასთან წერითა თუ ხატვით ატარებს რაიმე მოქმედებას (მაგ.: არითმეტიკული გამოთვლას ან სიტყვის დამუშავებას), მან ყველა მოქმედება გაახშირდოს (მაგ.: „აქ დავწეროთ წერილი, ეს გადავიტანოთ მომდევნო სტრიქონში...“).

პარალელურად, სკოლის დამთავრებამდე, განუხრელად და შეუწყვეტლად უნდა ვითარდებოდეს, თავისი საკუთარი გზით, ზეპირი მეტყველება და წერილობითი მეტყველება, რაც შეადგენს მშობლიური ენის 12-წლიანი სწავლების მთავარ მიზანს. უფრო კერძოდ კი, ორივე ეს მიმართულება განეკუთვნება რიტორიკას. ენის რაობა, ენა და აზროვნება, მშობლიური ენის სწავლების მნიშვნელობა – ენის რაობა ღრმა თეორიული საკითხია, რომელიც ერთ-ერთი უმთავრესია ჰუმანიტარული მეცნიერებაში. მას უშუალოდ უკავშირდება მშობლიური ენის სწავლების საფუძველებიც, კერძოდ, დასავლეთ კლასებში მშობლიური ენის სწავლების პროგრამა და მეთოდიკა.

ლ. ვიგოტსკის თეორიაში აზროვნება განუყოფელია მეტყველებისგან, აზროვნების განვითარების მთავარი ნაწყვენი და მაჩვენებელი – ენობრივ უნართა განვითარებაა. მაგ.; საშუალოდ 2-3 წლის ბავშვი რამდენიმესიტყვიან ნინადადებებს წარმოთქვამს, იწყებს რთულ ნინადადებათა ჩამოყალიბებასაც, ოღონდ ნინადადებებს ძირითადად მხოლოდ თანწყობით აკავშირებს, ანუ „და, ჰოდა, კიდევ“ კავშირებით; საშუალოდ 3-4 წლისთვის თანდათან იწყებს ქვეყნობის დაკავშირებასაც, ესე იგი დამოუკიდებელ ნინადადებათა ჩამოყალიბებას – ხვდება არა მარტო აზრების ლოგიკურ დამოკიდებულებას, არამედ იმასაც, რომელია მთავარი და რომელი – დამოკიდებული. თუმ-

ცა თვით ამ ლოგიკურ მიმართებათა წვდომა ყველაზე მეტად სწორედ მეტყველებას ემყარება – ბავშვი ჯერ ენით ეუფლება ლოგიკას (როცა ისმენს ზრდასრულთა საუბრებს, ლექსებს და ზღაპრებს, თან ფრაზებს თვითონაც იმეორებს) და შემდეგ – აზროვნებით. ბავშვს ცნობიერების ჯერ მხოლოდ საწყისები უვითარდება, მისი მეტყველება ძირითადად ნაბაძივითაა.

ასევე დასავლეთი კლასის მოსწავლის აზროვნების განვითარების მთავარი გზაც სრულ ნინადადებათა ჩამოყალიბებაა, ნინადადებათა – ანუ აზრების – თანდათანობითი გართულებით. ამიტომაც, რომ მოყოლილი ტექსტების („ბებოს ზღაპრების“) მოსმენა აზროვნების განვითარებას ძლიერ უწყობს ხელს – ბავშვს მოსმენილი ტექსტი გონებაში წარმოადგენს სურათებად („ფილმებად“) გადაწყვეს და სწორედ ესაა აზროვნების გავარჯიშება ნივთიერ-ხატობრივ დონეზე. ხოლო ეკრანზე (საზოგადოდ სურათებზე) მიჯაჭვა ანალოგიურად ადამიანის ენობრივ უნარებს და ესე იგი, აზროვნებასაც. ვიგოტსკი წერდა: თუმცა თანდაყოლილი სიბრძნე ბიოლოგიური თვალსაზრისით გაცილებით მძიმე ნაკლოვანებაა, ვიდრე სიყრუე, მაგრამ გონებრივ-პიროვნული განვითარებისთვის პირიქითაა. და კიდევ: როცა საშუალო პირველკლასელი არ მეტყველებს, ის არ აზროვნებს. (ცნებითი აზროვნება გაშინაგებული, ინტერიორიზებული მეტყველებაა).

ამიტომ სწავლების ტრადიციული მეთოდები ბავშვის აზროვნების განვითარებისთვის დამანგრეველია. ოჯახში – ეკრანი და დედასთან ურთიერთობის ნაკლებობა, სკოლაში – გაჩუმება, ზეპირობა, წერა და უცხო ენა... საბრალო ბავშვის სული დოლაბის ქვეშეში ისრისება.

ჟ. პიაჟეს თეორიაში ლოგიკური აზროვნების („ლოგიკური სტრუქტურების“) საფუძველია სენსომოტორული სქემების, ანუ ფიზიკურ მოძრაობათა სქემების ინტერიორიზაცია. ლოგიკური სქემა – ესაა განყენებული სენსომოტორული სქემა. ლ. ვიგოტსკი ამას არ უარყოფს – ლოგიკური სქემების მთავარი საფუძველია ინტერიორიზებული – განზოგადებული სქემები – ოღონდ მართებულად დასძინს: არამარტო და არამდენად სენსომოტორული სქემები, რამდენადაც ნინადადების აგების სქემები (გრამატიკული სტრუქტურები), რომლებსაც ბავშვი გაუცნობიერებლად, პრაქტიკულად ითვისებს. თანდათანობით ითვისებს, იმეორებს რა უფროსთა ფრაზებს, იმასოვრებს მათ და შემდეგ, ენობრივი ანალოგიით, გუმანით ახალ ფორმებსაც კი აწარმოებს თვითონ, შემოქმედებითადა; მათ შორის ენაში არარსებულ ფორმებსაც კი ქმნის [ქვემოთ].

ჟ. პიაჟემ სკოლამდელი ასაკის ბავშვის მეტყველება ეგოცენტრიზმის ცნებით დაახასიათა: ყრმა ხშირად ტიტიკებს ან ბუტბუტებს ეგოცენტრულად, ანუ მხოლოდ საკუთარი თავისთვის. გარდა ამისა, მისი ნალაპარაკევი, სხვებისთვის მიმართული, ხშირად სხვებისთვის გაუგებარია, რადგან თავკერძულია. მაგ.: – ჩქარა მომიტანე პლა-პლა! – რაა? სადაა? – იქ! ჩქარა მომიტანე! ანდა ნინადადებში გამოტოვებს ქვემდებარეს ან დამატებას, ან მათ ნაცვალსახელით ჩაანაცვლებს, მაგრამ მსმენელისთვის კონტექსტიდან სრულიად გაუგებარია, თუ რას მიემართება ეს ნაცვალსახელი. მაგ.: – მომცა. – ვინ მოვცა? – იმან. – ვინ იმან? – აი იმან! ბავშვი (ხშირად ზრდასრული ადამიანიც) სხვისთვის გაუგებრად მეტყველებს, ან გაუგებრად წერს და მერე ბრაზდება: – როგორ ვერ გაიგე?

დ. უზნაძის თანახმადაც, საკუთარ თავთან ეგოცენტრული საუბარი ანუ ბუტბუტი, რომელსაც არავითარი ურთიერთობის მიზანი არა აქვს, ყველაზე მნიშვნელოვანია 2-4 წლის ბავშვისთვის, ანუ სწორედ იმ ასაკში, როცა ბავშვი ყველაზე მეტად ეზიარება ენასა და ენობრივ სამყაროს.

სხვათა შორის, თავკერძული მეტყველების ერთი სახეობა – ზრდასრულთა შორისაც ხშირია: ამბის უთავგებლო თხრობა – დაწყება არალოგიკურად, არამედ შუიდან, თავისთვის ყველაზე მნიშვნელოვანი და თვალშისაცემი ნაწილით, რომელიც მსმენელისთვის გაუგებარია, რადგან მას დასაწყისი არ მოუსმენია (თვითონ მთხრობელმა ხომ იცის მართებული თანმიმდევრობა: ამირან გულში მღეროდა და – ძმანო, ბანი მიხობართო!). გარდა ამისა, ამბის თხრობაში ისეა ჩართულ-ჩახლართული პირადი განცდები, რომ მსმენელს უარესად ებნევა აზრები. მაგ.: ალგუნებული, თმაგაჩილი და დასვრილი ბიჭი შინ დაბრუნდა და დედას უყვება: – მე იმან პირველმა დამარტყა! მერე მეც ისა სამაგიერო... მოვდიოდა და კიდევ ისე მეძახდა, დამაპლო და მყრალიო... ახაო, მაინც... მერე მეც დავარტყი. ჰოდა ჩემი ბრალი არ არის! გიორგი და ვაჟა გაიქცნენ, იქ იყო ბექა... აბა რა ჩემი ბრალია!? აი რომ მივდიოდი იქა, იმან დამიძახა...

ანდა: ჰყვება, ჰყვება, ჰყვება, მაგრამ მსმენელს არაფერი რჩება. მრავალია წიგნი, რომელსაც კითხულობ, კითხულობ, მაგრამ ბოლოს არაფერი გრჩება: „წყალივით“ ფუჭი ანდა ტვინის საჭყელი ტექსტები. ზრდასრულთა თავკერძული მეტყველების კიდევ ერთი მაგალითი: ჰყვებიან რაღაც ამბავს, მაგრამ ამ დროს საკუთარ თავზე უფრო მეტს ლაპარაკობენ, ვიდრე მოსაყოდ ამბავზე; ეს გარდაცვლილის სსოვნი-სადმი მიძღვნილ შეკრებებზეც კი ხდება ხოლმე.

საშუალოდ 5 წლიდან ბავშვი ნელ-ნელა იწყებს საუბარში თავკერძობის ძლევას, დეცენტრაციას ანუ მსმენლის გათვალისწინებას. მაგ.: ძველებურად იწყებს ნაცვალსახელით, მაგრამ მიხვდება, რომ მსმენლისთვის ასე გაუგებარია, ამიტომ მოაყოლებს ამხსნელ არსებით სახელსაც: – ბურთი იმან მომცა, იმან, მეზობელმა. ცხადია, ამისთვის დიდი მნიშვნელობა აქვს უფროსთა ხშირ დამაზუსტებელ შეკითხვებს. მაგრამ სანამ ბავშვის გონება საამისოდ არაა მომწიფებული, დამაზუსტებელი შეკითხვები მას აბნევენ და აღიზიანებს [მ. უთურგაიძე]. ვიგოტსკიმ დააზუსტა და შეავსო პიაჟეს შეხედულებანი ბავშვის მეტყველების ეგოცენტრიზმის შესახებ, რომლებიც თითქმის არ ითვალისწინებს სოციალურ ურთიერთობებს. ვიგოტსკიმ სამი საფეხური გამოკვეთა:

I. პრიმიტიული სოციალური მეტყველება სხვა ადამიანთა ქცევაზე ზეგავლენის დანიშნულებით – 2-3 წლამდე; მაგ.: „მომეცი!“, „კარგია!“, „არა!“, „წავიდე!“ მეტყველება უპირატესად ცალმხრივია: ბავშვიდან – უფროსისკენ. თუმცა პიაჟესული ეგოცენტრული მეტყველებაც მნიშვნელოვანია: ჩვილიც კი იწყებს საკუთარ გრძობათა სპონტანურ, „უმიზნო“ გამოხატვას ანუ ექსპრესიას: „ააა!“, „გა“, „ტა-ტა-ტა!“...

II. სკოლამდელი ყრმის მეტყველება, რომელიც კიდევ უფრო მეტად შეიცავს ეგოცენტრულ მეტყველებას – ბავშვი ხშირად ელაპარაკება საკუთარ თავს, მეტყველებით ცდილობს საკუთარი ქცევის მართვას, ხშირად სიტყვიერად აყალიბებს იმას, რასაც აკეთებს (ზოგჯერ – მესამე პირშიც!), ყურადღების მისაქცევად ხმადალა ლაპარაკობს; ამის გარდა, ძალიან სიამოვნებს ტექსტების მოსმენა ამ ტექსტების შინაარსისგან დამოუკიდებლად (მაგ., ერთიადიმავე ზღაპარს ან ლექსს მრავალჯერ წაკითხვებს უფროსებს) – ამით ბავშვი ენობრივ ფორმებს ეუფლება, ხშირ-ხშირად იმეორებს მათ და ზოგჯერ ბრწყინვალე ნეოლოგიზმებსა თუ ახლებურ გამოთქმებს ქმნის (მაგ.: არ მიწოდდა, შემთხვევით დამეფურთხა; მზე თბიური მნათობია; ასმათ დეიდას გვარი არაა გაჩეჩილად, მისი გვარია დავარცხნილად; წავდივართ, წავდიან; მოვიღე (მდრ. წავიღე), ამოყლაპე, მოაქრეს (მდრ. გააქრეს), დამეფურთხა (უნებურად), გამეფუჭა (გამიფუჭდა)...

III. შინაგანი მეტყველება, რომელიც თავდათან ცნებით აზროვნებაში გადადის, დასავლეთი კლასებში. სხვებთან ურთიერთობა უპირატესად აზრების – ანუ ნინადადებების – ურთიერთ-გაზიარებით ხდება (საკმაო მნიშვნელობა აქვს არავერბალურ კომუნიკაციასაც, მაგრამ იგი მაინც მეორეხარისხოვანია).

დასავლეთი კლასებში ცნებები უმცირესი რაოდენობით უნდა იყოს, თანაც – თვალსაჩინო საყრდენის მქონე ცნებები. მაგრამ ბავშვი ასეთ ცნებებსაც ვერ გააზრებს ლოგიკურ-ცნებითად. მაშ, დასავლეთი კლასებში გააზრებაზე და ლოგიკურ მსჯელობაზე უარი უნდა ვთქვათ? არავითარ შემთხვევაში, პირიქით – ბავშვი სწორედ დასავლეთი კლასებში უნდა მიეჩვიოს დაფიქრებას, აზროვნებას, მსჯელობას. უბრალოდ, ეს არ იქნება ცნებითი აზროვნება-ცნებების ნაცვლად ბავშვი განზოგადებულ სქემატურ ხატებებს წარმოიდგენს; ხოლო აბსტრაქტული ლოგიკური მსჯელობის ნაცვლად, იმ განზოგადებულ სქემატურ ხატებათა საფუძველზე, აზრობრივად გამართულ ნინადადებებს ჩამოყალიბებს, ჩურჩულით ან გონებაში (ზოგჯერ ლოგიკური დასკვნა შეეძლება, მაგრამ არა უჭირს). თუკი ბავშვი ამას I-II კლასებიდანვე არ მივაჩვიეთ, მერე და მერე უფრო გაძნელებდა, ხოლო 10-12 წლის შემდეგ თითქმის შეუძლებელი გახდება (რადგან გაივლის ლოგიკურ-ცნებითი აზროვნების სენსიტიური პერიოდი).

როგორც ვიცით, თავკერძობის ძლევა არამარტო აზროვნების, არამედ ზნეობის განვითარების საფუძველიცაა. საამისოდ ძალიან კარგია „ვითომობანა“ ანუ როლური თამაშები, სხვა ადამიანების როლების გათამაშება და სათამაშოებისთვისაც როლების მინიჭება – „ეს ვითომ მწყემსია, ეს მისი შვილია...“ (მწყემსობანა, სახლობანა, სკოლობანა და სხვა მრავალი). სწორედ ეს უწყობს ხელს იმას, რომ ბავშვმა შეძლოს „აქ და ახლა“ კონკრეტულად მოცემულსა და რეალურ საკუთარი თავისგან განყენება, თავდალწევა, პირველადი აბსტრაქცია. ასე არამარტო აზროვნებას, არამედ ზნეობასაც ეყრება საფუძველი: „ბავშვის საერთო გონებრივი განვითარების უმნიშვნელოვანესი მაჩვენებელია გააზრება, ვითარცა არის წვდომის უნარი და იგივე გააზრება, ვითარცა სხვა ადამიანების განცდების გაგების უნარი“ (ლ. ვიგოტსკი). ამიტომაც, რომ ეკრანს მიჯაჭვული ადამიანი ცუდბალღური განუვითარებლობის, მოკლე ხედვის, უნდობის, ინფანტილიზმის, თავკერძობის, გულცივობის დონეზე რჩება. ინგერვა მხატვრული ლიტერატურის უდიდესი აღმზრდელი მნიშვნელობაც.

წინათ ეკრანი თითქმის არ არსებობდა, ხოლო სიტყვიერად მოთხრობილი (ან წიგნიდან უფროსის მიერ წაკითხული) ზღაპრები და მსგავსი ტექსტები კარგად ავითარებდა ბავშვის წარმოსახვასა და ენობრივ უნარებს, ქმნიდა საფუძველს შემდგომი კონებრივი და სულიერად განვითარებისთვის. ამასთან, ბავშვი ადამიანური ურთიერთობის მაღლსაც ეზიარებოდა. ეკრანი კი აუფასურებს მოყოლილ ზღაპრებს, რადგან მას მიჩვეული ბავშვი მოყოლილი ზღაპრით, ჯერ ერთი, აღარ ინტერესდება (გაცილებით წარმტაც ამბებს ეკრანზე ნახულობს); მეორეც, გაცილებით ეადვილება მზამზარული სცენების ყურება, ვიდრე სიტყვიერი ტექსტის გააზრება და წარმოდგენა. ამის გარდა, ეკრანიერ ბავშვს „ვითომობანა“ ანუ როლური თამაშები აღარ იზიდავს – ისევე როგორც ნარკომან ან აზარტული თამაშებით მონამულ მამაკაცს აღარც სპორტი იზიდავს, აღარც ოჯახი და აღარც საქმე. კიდევ ერთი „დოლაბის ქვა“ ბავშვის განვითარებისათვის: ეკრანს მიჯაჭვული (და აგრეთვე გარედან მოძრაობა შეზღუდული) ბავშვის სენსომოტორული აქტიურობაც სუსტდება, რაც ძალიან მავნებელია როგორც ჯანმრთელობისა და სხეულბრივი განვითარებისთვის, ისე ფსიქოლოგიურ-გონებრივი განვითარებისთვის. თვით ყველაზე განწმენდილ-დახვეწილი ეკრანიც კი წამლავს ბავშვის სულს – ბავშვი, რომელიც ცოტას მეტყველებს, ცოტას ისმენს მოყოლილ უსურათო ტექსტებს, ცოტას მოძრაობს, ცოტას თამაშობს „ვითომობანას“ – ყოველმხრივ დაუნდება, სუსტდება, ავადდება და რობოტდება...

**ზურაბ მახანიანი**  
საქართველოს ფსიქოლოგთა საზოგადოების თავმჯდომარის მოადგილე, პედაგოგიკის მეცნიერებათა დოქტორი, ნმ. ანდრია პირველწოდებულის სახ. ქართული უნივერსიტეტის ფსიქოლოგიის პროფესორი



სასკოლო აქტივობა

იაკობ გოგებაშვილის კვირეული საქართველოში

მიმდინარე წლის 20-27 ოქტომბერს ჩატარდა იაკობ გოგებაშვილის დაბადების 177-ე და გარდაცვალების 105-ე წლისთავისადმი მიძღვნილი თემატური კვირეული.

რუსთაველი, შვეციანოს ქუჩის 5-ში მდებარე აკადემიური ქალაქის მე-4 კორპუსში, იქ, სადაც იაკობ გოგებაშვილის სახელობის მუზეუმი და პედაგოგთა კავშირის ადმინისტრაციაა განთავსებული, მთელი თვის განმავლობაში, არ შეწყვეტილა ქვეყნის რეგიონებიდან მოსწავლე-მასწავლებელთა ნამუშევრების გამოგზავნა.

კვირეულის დევიზი იყო იაკობ გოგებაშვილის ციტატა: „ახალი საქართველო მოქცეულ უნდა იყოს წინ, ევროპისაკენ!“

კვირეულის მონაწილეებს ისეთი ნამუშევრები უნდა შეექმნათ, რომელიც წარმოაჩენდა იაკობ გოგებაშვილის ბიოგრაფიის და მემკვიდრეობის ცოდნას, ეროვნულ განწყობას, დედა ენით დაინტერესებას, საქართველოს წარსულისადმი პატივისცემას და სხვ. მისასალმებელია, რომ კვირეულს, საქართველოს მასშტაბით, სკოლათა დიდი უმრავლესობა გამოეხმაურა.

განსაკუთრებით იაქტიურეს აჭარის, გუ-

რია-სამეგრელოს, კახეთის, შიდა და ქვემო ქართლის რეგიონებში, თბილისის 76-ე, 142-ე, 145-ე, 172-ე საჯარო სკოლებმა. ნომინაციების მიხედვით, იაკობ გოგებაშვილის მედალი დაიმსახურა თბილისის სსიპ 142-ე საჯარო სკოლამ (დირექტორი – შორენა ცნობილაძე); ნომინაციაში „საუკეთესო კლას-კაბინეტი“ საუკეთესო იყო ქ. წყალტუბოს მე-3 საჯარო სკოლა (დანაწესიტი კლასის პედაგოგი – ნატარული კვერნაძე);

საკონფერენციო თემებს შორის საპატიო სიგელი დაიმსახურა გურჯაანის მე-2 საჯარო სკოლის დანაწესიტი კლასის პედაგოგმა, მია ჯობაძემ. გამორჩეული იყო გორის რაიონის სოფელ ტინისხიდის საჯარო სკოლა, თეთრიწყაროს მუნიციპალიტეტის სოფელ ერტილის, დაბა მანგლისის, ოზურგეთის სოფელ ბოხაულის, ქალაქ ფოთის მე-8, საჩხერის მე-2, ჩოხატაურის რაიონის სოფლების – ნიფნარის, კობნარის, ბასილეთის, ირაკლი აბაშიძის სახელობის სოფელ ხონის, ილია ვეკუას სახელობის აფხაზეთის მე-11, მე-14, გორის მუნიციპალიტეტის სოფელ პატარა გარეჯერის, ახალციხის მე-2 საჯარო სკოლები.

ქართული ანბანისადმი ემოციური დამოკიდებულება საინტერესოდ გამოხატა აფხაზეთის 21-ე საჯარო სკოლის (ქ. ფოთი) ქართული ენისა და ლიტერატურის მასწავლებელმა, მანანა ურიდიამ;

შეუძლებელია ცრემლების გარეშე ნაკითხვა წალენჯიხის რაიონის სოფელ მიქავას საჯარო სკოლის მეცხრეკლასელი მოსწავლის, ნინო კვარაცხელიას ჩანახატის „ჩვენ დავბრუნდებით“, რომელშიც გადმოცემულია აფხაზეთის დაკარგვით გამოწვეული ტკივილი და დაბრუნების იმედი;

მოსწავლე ვალერი გოგიჩაშვილს კარგად შეუსწავლია არნოლდ ჩიქობავას, აქვსენტი ცაგარელის, გიორგი ჯიბლაძის, აკაკი წერეთლის, ილია ჭავჭავაძის, გერმანელი ქართველოლოგის ვინფრიდ ბოედერის კვლევები იაკობ გოგებაშვილის შესახებ;


ილია ჭავჭავაძის სახელობის საჩხერის მე-2 საჯარო სკოლის მე-10 კლასის მოსწავლე ნინო ყიფიანი, თავის ჩანახატში „სიზმარი“, აღწერს, როგორ დაესიზმრა მეფე დავითი და როგორ დააიშა, რომ საქართველო გაერთიანდება რწმენითა და უფლის სიყვარულით. „ღმერთო, ამიხდინე ეს სიზმარი!“ – ასე ამთავრებს თემას ავტორი;

თბილისის 142-ე საჯარო სკოლის პედაგოგის, მაცყალა გერმანოშვილის შემოქმედებაში სამშობლოს სიყვარულისა და თავისუფლების თემაა წამოწეული:

„მთავრულივით გამოანათებს ცის კაბადონის მნათე... თავისუფლებაც, სიზმრისეული, ჩემს ქვეყანაში გნახე!“

ნიკო ნიკოლაძის სახელობის ქ. ფოთის მე-2 საჯარო სკოლის მეთორმეტეკლასელ ანა ღვამბერიას მიაჩნია, რომ საქართველოსთვის ევროპულ სივრცეში ყოფნა აუცილებელია და, რომ საქართველო დღესაც ცივილიზაციათა გადაკვეთის ისტორიული ადგილია;

გორის მუნიციპალიტეტის, პატარა გარეჯერის საჯარო სკოლის მე-10 კლასის მოსწავლე მარიამ მეზერიშვილი ოცნებობს, რომ „ევროპული საქართველო ჩემთვის იყოს სანინდარი პიროვნული გაზრდის, ჩემს ხალხზე



ზრუნვის, მოვალეობის აღქმის, ქვეყნის კეთილდღეობისათვის, წარსულის, აწმყოსა და მომავლის დაცვის შთამბეჭობები!

ევროპულ მომავალს ეხმაურებიან თავიანთ ნახატებში გარდაბნის მუნიციპალიტეტის სოფელ კრწანისის საჯარო სკოლის მოსწავლეები. გამორჩეული იყო რუსთაველის მე-14, მე-18, 21-ე, 26-ე, მე-5 საჯარო სკოლების, კერძო სკოლის „მზეკაბანი“ მოსწავლეთა ნამუშევრები.

კვირეული დამთავრდა, მაგრამ მისი სულისკვეთება ისევ იგრძნობა ჩვენი ქვეყნის ყველა სკოლაში, რაც იმას ნიშნავს, რომ ქართველი ერის ღირსეული წინაპრის მიერ გაკეთებულ ეროვნული ცნობიერების გზას უამრავი მიმდევარი ჰყავს.

ლილია გვაგუშიძე

საქართველოს იაკობ გოგებაშვილის პედაგოგთა კავშირის თავმჯდომარის მოადგილე, ქვემო ქართლის რეგიონის პედაგოგთა საზოგადოების თავმჯდომარე



სკორტი

ოლიმპიელთა სკოლა

საქართველოს განათლებისა და მეცნიერების სამინისტრო, თავისი ახალი პროექტის ფარგლებში, რომელიც სასწავლო დაწესებულებებში სპორტის გაკვეთილების რეფორმას ისახავს მიზნად, აგრძელებს ოლიმპიურ ჩემპიონთა ვიზიტებს თბილისის საჯარო სკოლებში. ამჯერად 103-ე საჯარო სკოლას საქართველოს ერთ-ერთი საუკეთესო სპორტსმენი, ტყვიის სროლაში ოლიმპიური და მსოფლიოს ჩემპიონი, ევროპის სამგზის გამარჯვებული პირადში, მსოფლიოს არაერთი რეკორდისა და მიღწევის მფლობელი ნინო სალუქვაძე ესტუმრა. თუმცა ის არა მარტო საქართველოს, არამედ მსოფლიოს სპორტშია გამორჩეული ფიგურა, რადგან 8 ოლიმპიადის მონაწილეს შეუძლია, აბსოლუტურ რეკორდზე წავიდეს, რაც 10 თამაშებს მოიცავს.

სკოლაში ასეთი სახელოვანი სპორტსმენის სტუმრობამ დიდი ინტერესი გამოიწვია. ხელცარიელნი არც პატარა მასპინძლები დახვედრიან მიმსჯელებს და, ისევე ზემოაღნიშნული პროგრამის ფარგლებში, ოლიმპიზმის შესახებ სხვადასხვა პროექტები დახვედრეს სალუქვაძეს. თემატიკა მრავალფეროვანი იყო: ოლიმპიზმის ისტორია; თანამედროვე ოლიმპიადები; ქართველი ოლიმპიელები და სხვა. ამ თემებზე საუბრისას სტუმარ-მასპინძელი საინტერესო დისკუსიაშიც შევიდა ერთმანეთთან, სალუქვაძემ გაიხსენა თავისი სპორტული კარიერა, ბავშვებმა კი თავიანთი შემოქმედება წარმოადგინეს.

ამ დღეებში 114-ე სკოლასაც ესტუმრნენ ოლიმპიური ჩემპიონები. ამჯერად – ძალოსნები: რიო დე ჟანეიროს თამაშების გამარჯვებული, მსოფლიოს ორგზის და ევროპის ჩემპიონი,

მსოფლიოს რეკორდსმენი ლაშა ტალაიაძე და ეროვნული ნაკრების მთავარი მწვრთნელი, ასევე ოლიმპიური, მსოფლიოსა და ევროპის ჩემპიონი გიორგი ასანიძე.

ახალი ფესტივალი

2019 წლიდან საქართველოში, ყოველ ორ წელიწადში ერთხელ, საქართველოს ახალგაზრდული ოლიმპიური ფესტივალი „მომავალი ოლიმპიელები“ ჩატარდება. ამის შესახებ დადგენილება, 22 დეკემბერს გამართულ, საქართველოს ეროვნული ოლიმპიური კომიტეტის საანგარიშო სესიაზე მიიღეს, მეტიც – ეს თემა ყრილობის 5-პუნქტიან სამუშაო გეგმაში ერთ-ერთ მთავარ საკითხად იყო შეტანილი. ყრილობაზეც ეს ერთ-ერთი ყველაზე მნიშვნელოვანი გადაწყვეტილება იყო, სესიამ ამ ახალი სპორტული ღონისძიების ორგანიზებაში დახმარებისთვის იქვე მიმართა საქართველოს მთავრობას. ეს იქნება უკვე კარგად აპრობირებული და საერთაშორისო მასშტაბებზე გასული ევროპის ახალგაზრდობის ოლიმპიური ფესტივალის ქართული ანალოგია, რომელიც ევროფესტივალის წინა თვეში ჩატარდება. ვადების გარდა, მათ სხვაც ბევრი რამ ექნებათ საერთო: გახსნა-დახურვის საზეიმო ცერემონიალი აქაც გაიმართება და ადლუმიც მოეწყობა, გუნდები ჩვეულებრივ ჩაივლიან მასშტაბებელთა ნინაშე; მონაწილეთა ასაკიც იგივეა – 14-17 წლის მოზარდები, ანუ უფროსი ასაკის მოსწავლეები იასპარეზებენ. გათამაშდება მედალების 130 კომპლექტი, მონაწილეთა რაოდენობა კი 1500-მდე იქნება.

ახალი ფესტივალის მიზანი იქნება: სასკოლო და ბავშვთა სპორტში არსებული სერიოზული პრობლემების დაძლევა, ქალაქებსა და სოფლებში, რეგიონებში მასობრივი სპორტის განვითარება, სპეციალიზებული სპორტული სკოლების როლისა და მნიშვნელობის ამაღლება, მათი საქმეების კონკრეტულ შედეგებზე ორიენტირება, მოტივაციის გაზრდა მუნიციპალიტეტებისა და ადგილობრივი ადმინისტრაციების დონეზე, კონტინენტალური და მსოფლიო ახალგაზრდული ოლიმპიური თამაშებისთვის რეზერვების მომზადება.

ახალ ფესტივალთან დაკავშირებით, სეოკ-ის სესიაზე, ორგანიზაციის გენერალურმა მდივანმა, ემზარ ზენაიშვილმა ისაუბრა. მისი თქმით, ქვეყნის 2000-მდე სკოლაში არაა ან სიმბოლურადაა წარმოდგენილი სპორტული ბაზები, ინვენტარი, ხოლო სპორტში ბავშვთა მხოლოდ 8-10 პროცენტია ჩართული, რაც ძალიან დაბალი მაჩვენებელია. მისივე თქმით, ბავშვთა სპორტში არსებული სერიოზული პრობლემები პირდაპირ კავშირშია სტუდენტურ სპორტში შექმნილ კატასტროფულ მდგომარეობასთან. მან მაგალითად, 4 წლის წინ, ყაზანში გამართული მსოფლიო უნივერსიადა მოიყვანა, სადაც საქართველოდან 100-მდე სპორტსმენი გამოვიდა, რომლებმაც გაიარეს სრულყოფილი სანვრთნელ-მოსამზადებელი პროცესი, ტურნირებშიც გამოვიდნენ, შეკრებებიც ჰქონდათ, ეკიპირება შეუძინეს და მაქსიმალურად შეუწყვეს ხელი, მაგრამ მხოლოდ ერთი მედალი მოიპოვეს – ბრინჯაო და ისიც უნივერსიადის ბოლო დღეს გაიხადეს მოჭადრაკეებმა. მას შემდეგ ორ უნივერსიადზე ჩვენები საერთოდ არ გამოსულან. ზენაიშვილისავე ინფორმაციით, ქვეყნის სკოლებში მასშტაბით, ყოველწლიურად, ტარდება 2000-მდე სპორტული ღონისძიება, თუმცა არც ერთი არაა სისტემური, მრავალსაფეხურიანი და რეგიონული მნიშვნელობის, ახლა კი ორგანიზატორებს მისი რეგიონულ თამაშებად ქცევა სურთ.

მოლოდინისამებრ, ამ იდეამ სესიის მონაწილეთა დიდი ინტერესიც გამოიწვია და სპორტის ბევრი სახეობის წარმომადგენელმა მისივე გამოთქვა ფესტივალის პროგრამაში ჩართვის სურვილი, თუმცა სახეობები, საბოლოოდ, მოგვიანებით დაზუსტდება. ზენაიშვილი თურმე ამგვარ ნამოწეებას ბალტიისპირეთში გაცნობია, სადაც მასპინძლებს ისიც უთქვამთ, ჩვენ ამ გზით ნამოწეით სპორტი სოფლებში და, ზოგადად, რეგიონებში.

პირველი ფესტივალის ფინალური ტურნირი თბილისში უნდა გაიმართოს და უკვე მიმდინარეობს მოლაპარაკება დედაქალაქის შესაბამის სამსახურებთან, რათა დაეხმარონ ფესტივალის ორგანიზებაში. ჯერჯერობით გაურკვეველია დამფინანსებლის საკითხი, მაგრამ სეოკ-ის მიერ შესაბამის სამინისტროებთან, ხელისუფლებასთან მიღწეულია პრინციპული შეთანხმება თანამშრომლობისა და ფესტივალის ჩატარების შესახებ.





# სამაგიდე თამაშების მრავალფეროვანი კატეგორიები I-VI კლასებისათვის

წესებიანი, სამაგიდე თამაშების მრავალი ანოდა: შუქმანს ბავშვს უფრო მეტი განხილვა სწავლისას, ხელი შეუწყოს მოსწავლეების სოციალური და საზოგადოებრივი უნარების განვითარებას. ამ თამაშების დროს თამაში ჩართულ მოსწავლეს უნდა: ანალიზი, მსჯელობა, კატეგორიზაცია/დახარისხება, დაგეგმვა/ორგანიზება, გადაწყვეტა, შედარება, შეფასება/კრიტიკა, რეფლექსია, შექმნა, გამოგონება, აღმოჩენა, თანამშრომლობა, წარმოდგენა/ვარაუდობა, წინასწარი შეფასება/წინასწარმეტყველება, წარდგენა/პრეზენტაცია, გამოყენება, გაკეთება, პრაქტიკული გადმოტანა, განხილვა/შეფასება. თამაში ეროვნული სასწავლო გეგმის საგნობრივი პროგრამების და გამოყენებული მეთოდების შესაბამისად არის შექმნილი.



- რომელი საათია - 8 ლარი** (თამაშობენ იდენტიფიკაციის და წყვილებში);
- მხიარული ფრაგმენტების ლოგიკა - 8 ლარი** (თამაშობენ იდენტიფიკაციის და წყვილებში);
- ჩრდილები - 8 ლარი** (თამაშობენ იდენტიფიკაციის და წყვილებში);
- მოსატყუარი სხოვლების ანგარიშ - 8 ლარი** (თამაშობენ იდენტიფიკაციის და წყვილებში);
- სხვადასხვა სიტყვების - 8 ლარი** (ჯგუფური თამაში);
- შეგრძნობები - 8 ლარი** (თამაშობენ იდენტიფიკაციის და წყვილებში);
- მხიარული სინარქცია - 8 ლარი** (თამაშობენ იდენტიფიკაციის და წყვილებში);
- მხიარული წილადები - 8 ლარი** (თამაშობენ იდენტიფიკაციის და წყვილებში);
- დავეხმაროთ რისხვებს - 8 ლარი** (თამაშობენ იდენტიფიკაციის და წყვილებში);
- ვითვლი: 10-მდე, 20-მდე, 100-მდე - 8 ლარი** (თამაშობენ იდენტიფიკაციის და წყვილებში);
- ბავშვების მსგავსად სტუმრებს - 23 ლარი** (ჯგუფური თამაში, გათვლილია მთელ კლასზე);
- ფარული მოხიარვა - 8 ლარი** (თამაშობენ იდენტიფიკაციის და წყვილებში).

## ნაღვიძი და მომონი ანგარიშები

სარია შექმნილია I-VI კლასების მოსწავლეებისათვის, „პითაგორის საათის“ საცემო ფორმის გათვალისწინებით.



სარის ფასი - 32.40 ლ

## ქართული ენის კრებულები

ეროვნული სასწავლო გეგმით გათვალისწინებული გრამატიკის თეორიული კურსი და საგარეო მომზადება.



სარის ფასი 17.70 ლ

## მოკლემეტყველოთ საბავშვო გამოცდებისთვის

კრებულში შესულია პროგრამით გათვალისწინებული თეორიული მასალა და ტესტები. გადასახვევი ფენის ქვეშ მოთავსებულია უნიკალური კოდი. ეს კოდი შეიცვანთ სპეციალურ აპლიკაციის მეშვეობით, რომელიც განთავსებულია გამოცდების ოფიციალურ ვებ-გვერდზე [fb.com/bakursulakauripublishing](http://fb.com/bakursulakauripublishing) ერთი კოდის გამოყენება შეუძლია მხოლოდ ერთ მომხმარებელს. ელექტრონული ტესტები შეიქმნა ჩაბარების როგორც თემების მიხედვით, ასევე შერეულად.




თითო კრებულის ფასი - 10.90 ლ



თამაშ ვასაქვი კომპიუტერული ტექსტი და ანალიტიკური გზამკვლევი

12 ლარი



ფიზიკა საატესტატო გამოცდისთვის ქ. ტატიშვილი, ზ. ბერაძე

10 ლარი



ქართული ენის გრამატიკა სინტაქსი (სასკოლო კურსი) ნ. შარაშენიძე



ქართული ენის გრამატიკა მორფოლოგია (სასკოლო კურსი) ნ. შარაშენიძე




თამარ ბეროზაშვილი ქართული ენის სასკოლო განმარტებითი ლექსიკონი (ორტომეული)

10 ლარი




თამარ ვასაქვი ქართული აგროგრაფიული პროზა ლიტერატურის შემსწავლელთათვის

4 ლარი



ბიოლოგია (II ნაწილი) ეროვნული გამოცდებისთვის ლ. ბურღიანი, ნ. სინარქცია, ქ. ბაღვაში, დ. ნაჩირაშვილი

10 ლარი



ისტორია საატესტატო გამოცდისთვის ნ. ანაბერიძე, ბ. ლორთქიფანიძე, ნ. მურღულია

9 ლარი

## განახლებული გამოცემა



ნიმუში I V-XVIII საუკუნეების მხარობა, ნიმუში II XIX საუკუნის მხარობა, ნიმუში III XX საუკუნის მხარობა

თითო ტომის ფასი - 13 ლარი

ხელმოწერის თანხა გადმოირისხეთ რეკვიზიტებზე: მიმღები - შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22 შექმნის მსურველები დაგვიკავშირდით: 555 411 668, 599 88 00 73, 032 295 80 23



მთავარი რედაქტორი: მარიკა ჩიქოვანი

მისამართი: თბილისი, აკ. წერეთლის გამზ. №126, სართული II, ოთახი №14 ტელ.: 032 295 80 23, 599 880073 www.axaliganatleba.ge axaliganatleba@gmail.com

რედაქციის საბანკო რეკვიზიტები: შპს „ახალი განათლება“ ს/კ 202058735 ა/ა GE93LB0113314052305000, ს.ს. „საქართველოს ბანკი“ ბ/კ BAGAGE22, რედაქციაში შემოსული ხელნაწერები არ რეცენზირდება და ავტორებს არ უბრუნდება.

ISSN 2233-386X



9 772233 386008 >